

所部及馬隊由中路進殺賊數百燒賊二壘進逼李世賢之營世賢騎黑馬而遁我軍亦遇雨收隊左公以賊勢趨重於此自督各軍繼進十五日進駐江山之石笏謀報李世賢帶騎賊數百由小清湖過河窺探路徑並有步賊數百散居村莊左公檄調防守玉山之副將顧雲彩八百人助剿令劉典督同黃少春黃有功余萃隆等各率所部至清湖一帶搜剿踞賊見官軍旂幟紛紛潰走乘勢追擊殲斃殆半忽花園港石門出驍賊萬餘排列禮賢上下一帶山岡而以數千人涉淺過河徑撲安越軍營壘當合安越各營及朱明亮所部飛往河

平浙紀略

卷二

九

邊堵截斃賊數十賊勢少卻劉典率各營馳至大呼殺入賊奪路而奔追殺二十餘里斬賊數百級其鳳林踞賊潛至毛畝翼襲我軍後路顧雲彩等擊走之十八日分路進攻石門花園港等處賊巢左公令劉瓌陶鴻勛張聲恆黃少春余萃隆率所部及安越軍一營由中路進劉典黃有功朱明亮楊芳桂率所部由左路進同知楊昌濬楊鼎勛率親兵及張人和楊和貴李世顏馬德順顧雲彩游擊張志超所部由右路進黎明至江郎街賊望風而潰我軍節節搜剿而前連破石門賊卡數重直搗賊巢追殺十餘里至午刻各營畢集花園港三面

環攻拔開花籬運逼賊壘賊見我軍銳氣百倍堅匿不出穴牆開礮抵死抗拒我軍於鎗礮如雨中排隊屹立踰越重濠肉薄壘下有礮壘先登而墜者有入壘被斫而死者前者被創後者復進相持三時之久賊壘垂破復完乃收隊而還賊之潛伏清湖者伺官軍收隊突起衝我歸路安越軍於河邊扼擊禽斬百餘賊始鼠竄而去是日殺賊不過數百而我軍之陣亡者三十餘傷者至二百七十八人之多蓋攻堅之難如此二十一日偽主將翟賊復於石門前面山岡築七壘訶知李世賢潛約偽對王洪春元糾合大股由衢州西北而來左公以

平浙紀略

卷二

十

賊援將至而花園港老巢未破我軍有腹背受敵之虞二十二日黎明仍令各營三路進攻賊巢楊昌濬督各營至石門直逼新壘李世顏率眾猛撲賊為披靡各營繼進遂將賊七壘次第踞平斃賊無數餘賊翻山遠遁不暇跟追隨與劉典等偪攻花園港老巢將竹筴柴草填濠而進施放火箭火彈延燒賊棚忽北風陡轉大雨傾注賊一面撲救一面出壘死拒黃少春身受三創屹立不退哨官李喬輝簡桂林伍先申周春農等均裹創血戰始徐徐收隊而還是日破賊七壘殺賊數百奪獲旂幟鎗礮以數百計而賊之舊壘仍垂破復完二十三

日諜報洪春元率賊數萬已至雙橋二十五日我軍移營前進一面攻撲老巢一面迎勦援賊而賊卽於是夜向上台毛村一路潛遁左公疏言竄擾浙江之賊本祇李世賢李秀成兩股楊輔清一股從而和之自迭陷各城後凶燄更張兩浙胥遭荼毒李秀成一股已山浙入吳楊輔清之黨時往來於徽州甯國嚴郡之間與李世賢互相首尾臣所勦開化遂安之賊卽楊輔清之黨見勦衢州江山之賊卽李世賢此逆爲賊中渠魁凶狡特甚臣之注意於此原冀殲除此股則餘賊震慄浙事轉機可望自回援衢州以來賊黨望風而靡雖未及痛創

平浙紀略 卷二

止

然已散竄潛逃不敢抵禦惟該逆員囑自固於形勢見絀之餘猶復堅忍相持拚死抗拒又糾合巨股來援意在闖入江西今爲臣軍所阻潛遁而去或由衢州仍回大洲全旺老巢或由遂昌而竄龍泉均屬未定臣現留安越軍八營及江西仁右營副將顧美彩長左營卽補道王德榜等照舊駐守與江山各營聯絡一氣以固江西藩籬一面飛飭駐防馬金記名總兵崔大光等四營回軍華埠相機邀擊臣自率各營卽日由常山跟蹤追勦務期悉數殲旃免致流毒他方終成不了之局疏入詔嘉之左公督師行抵常山李世賢已繞由衢南回竄龍游

令賊黨堅踞龍游縣城及衢南之石室街并喉壽昌縣賊分竄衢州東北之蓮花一帶修築堅壘以抗我師而率諸賊回竄金華府城老巢其別股由塘口繞竄遂昌龍泉邊界者爲兩縣鄉團及福建總兵林文察截擊斃賊約一二千餘賊由松陽遁走遂昌龍泉兩縣肅清賊之大勢趨重金華而倚龍游壽昌蘭谿三縣賊巢爲犄角左公方欲勦除衢北之賊以攻龍游忽聞楊輔清率大股由威坪圍撲遂安而甯國自提督鮑超等連戰克捷後各路敗賊亦由甯轉竄而至前隊已抵遂安之界首東亭一帶蔓延四五十里左公遂令劉典率各營由

平浙紀略 卷二

止

華埠馬金以抵昏口自率親兵及各營由常山進駐開化相機圖之四月十四日劉典率各營由昏口進屯百畝畝而崔大光等四營亦至楊輔清聞官軍大集十五夜乘雨霽月明全股捲旂棄營而遁王文瑞劉典派隊追勦沿途僅殺斃尾賊數百追至瀆安賊已急竄昌化南國而去左公卽馳告皖南各軍嚴行戒備諜報壽昌龍游之賊聞官軍已赴開遂一路遂漸上竄逼近衢城左公令劉典崔大光等各營陸續撤回而自仍由華埠出常山赴衢勦之五月初四日馳抵衢城西北沐塵訶知李世賢糾集賊目馮谷勝陳壽僞主將賴賊僞佐將

林賊駱賊等由龍游蘭谿壽昌上犯於北路峽口蓮花
童村裏外黃五坦洋塘盈川一帶連三十餘營並盤踞
杜澤雲溪埠塘等處村莊又令嚴天義李賊鮫天義侯
賊於南路石室街築四壘聯爲一大壘東路大洲全旺
安仁埠等處各築數壘相爲犄角其北路地勢昆連遂
安開化常山賊勢亦較重於東南兩路左公令處州鎮
總兵劉培元進軍常山而調江西道員屈蟠王德榜兩
軍會合培元進駐江山縣屬之後溪街以防石室街之
賊而自率各營由北路進剿其東路安仁街一帶之賊
令總兵李定太郭啟舉等憑河堵截以防橫竄十一日

平浙紀略

卷二

三

我軍九路並進甫抵雲谿賊卽潰退因卽進屯雲谿十
五日分三路進攻裏外黃蓮花等處賊巢我軍右路甫
至良山涼亭而蓮花洋塘盈川等處之賊先列隊山隴
並挑駱賊數千過河而陣張聲恆率勇先進甫列隊賊
賊數十躍馬而來步賊繼之張聲恆以鎗礮排擊賊敗
退追至田隴賊復張兩翼來抄對岸之賊亦紛紛洒淺
過河警恆悉力抵禦正鏖戰聞楊和貴馬德順先後馳
至斬騎馬數賊賊勢少卻乘勝追至河邊李世賢張紅
蓋坐山巔麾騎賊向前衝突楊昌濬率親兵往來堵禦
刀矛緊接斃賊數十我軍傷亡者亦以數十計相持兩

時之久適我軍由右路進攻峽口者斃賊二百餘破賊
三壘楊鼎勛復山蓮花過河燒賊一大壘斃賊數十李
世賢知中左兩路俱敗不敢戀戰紛紛遁走我軍復追
數里始整隊而還嗣大雨連旬溪流暴漲我軍與賊巢
前阻一谿不能晷水出隊六月初五日天霽水退初七
日劉典督同各營由左路進攻裏外黃之賊楊昌濬督
同各營分列良山涼亭一帶會攻蓮花洋塘盈川之賊
我軍左路行抵童村上山瞭見外黃村莊甚大後崙山
一帶賊壘亦固劉典遂揮軍嚴陣村前河督令楊和貴
李良平伏童村下山內黃有功邢得伏童村上山內道

平浙紀略

卷二

四

親兵數十人至村前挑戰外黃之賊見我兵不多蜂擁
而前劉典令各軍穩站勿動而黃有功邢得晷水過河
繞出賊後裏黃壘中之賊大隊來撲典卽麾軍過河接
戰楊芳桂馬隊繼之外黃壘中之賊見我軍過河亦晷
水來抄後路李良平楊和貴於林內突起擊之各路齊
進呼聲動天無不一以當百賊敗退人營然放鎗礮我
軍奮勇直前拔開花籬地刺踰滾而入賊勢不支適楊
鼎勛劉光明張志超所部由峽口繞至外黃後山巔搗
旂搗鼓而下羣賊驚駭不知所措棄械狂奔中右兩路
見左路煙塵蔽空知我軍得手卽乘勢進攻蓮花壘中

之賊亦悉數遁走遂北二十餘里關平沿途賊壘而還
是日斃賊數百生禽數十散出難民男婦以數千計奪
獲偽印軍械鎗礮旂幟無算其下自盈川上至襄外黃
帶數十里間賊三十餘壘一律平毀無餘南路石室
街東路大洲之賊聞北路賊巢已被驚怖殊甚初九日
卯刻劉培元李定太會同屈蟠王德榜等各率所部由
南路進剿賊聞官軍大至棄壘而奔各軍急起追之比
至大洲大洲賊亦棄壘遁沿途斃賊百餘所有甯州東
南兩路賊壘亦均平毀各敗賊分竄龍游亦有竄至蘭
谿者左公疏言浙江賊數雖數十萬之眾而皆聽首逆

平浙紀略

卷一

李世賢一人指賊該逆自江山擊敗後即由遂昌邊境
繞道回踞龍游而倚金華爲老巢嚴處爲衝角蘭谿壽
昌湯谿宣平松陽等縣皆分布賊黨拚死抵拒五月十
五日該逆經官軍擊敗夜由龍游退回金華嗣竄永康
近又有竄湯溪縣境之耗賊蹤倏忽靡常其注意仍在
抄襲臣軍後路臣先擬衢州江山兵力足資堵截即當
由壽昌清安直搗嚴州以規省會近探杭州守賊無多
賊之大勢趨重金華自應併力先將龍游壽昌蘭谿湯
溪等處次第攻剿撤其藩籬聚其巢穴然後分兵嚴處
賊之以取破竹之勢蔣益澧五月初七日自廣東發稟

尚無啟行確期所部十七營已早抵湖南臣又飛札催
之大約到浙當在六七月臣相度形勢似宜先金華而
後嚴州拜摺後即當進圖龍游壽昌節節搜剿冀於全
局有尺寸之補臣軍新募之勇已陸續前來劉培元所
部三千二百人已於五月朔到浙現在造船調礮添設
水師一俟就緒相機布置亦可稍省陸路兵力而護運
軍食軍火乃能免遲滯而速戎機六月左公將進攻龍
游壽昌以規金華先耀兵於龍游對岸兼察地勢城賊
鼠伏不動忽謀報李世賢率大股賊由嚴州清安而來
前隊已至遂安之東亭四都沿途賊僅巨數十里其來

平浙紀略

卷一

甚速左公遂令駐防遂安之道員王文瑞率所部嚴守
城壘密令新授浙江按察使劉典率馬步九營即夜由
嶺路倍道馳援與文瑞併力截剿一面飛檄由湖南調
來知府魏瀚義帶勇二千由常山取道華埠馬金屯扼
昏口防其上竄又檄江西赴援之屈蟠王德榜等由西
安常山出華埠截之十八日李世賢同曉賊數萬分兩
路攻撲遂安縣城王文瑞令各營穩守待賊撲近始發
大礮飽以羣子轟斃騎馬賊十餘賊勢轉而南趨忽江
西援師先由僻道馳至賊見官軍旗幟從嶺嶺條降不
測其多寡駭而奔竄則此軍急於赴援奔馳數晝夜已

忍飢半日矣王文瑞開壁迎之餐畢合隊由西門出擊縱橫盪決斃賊不計其數賊之列隊對岸者復開礮抵拒我軍亦以鎗礮排擊襲隆貴身中礮傷力戰不退東路之賊見我軍由西路出擊渡河來撲東門復爲康榮詔等擊退兩戰共斃賊千餘奪獲旂幟器械計三百餘少頃援師大隊畢至而賊已敗走遂各收隊二十日劉典督各營由遂安南路進剿行至三都之麥田李世賢出驍賊千餘接戰餘盡伏於對岸山內圖俟我軍過河卽分路來抄劉典令黃有功劉光明李世顏黃大玉馬德順等督隊迎剿李良平從後接應楊鼎助楊和貴各

平浙紀略

卷二

七

率所部防東岸之賊鏖戰四時之久斃賊數十賊猶以死抗拒後路之賊復蜂擁而來哨官郭文彬力竭死之官軍勢漸不支李良平楊鼎助楊和貴橫截而出立斬當先老賊數十賊始敗遁官軍踴躍緊追沿途復斃賊二百餘時已日晡乃徐徐收隊而回李世賢自連日爲我軍擊敗知遂安城守嚴固援師醫集乃於二十二夜鼠竄而去大股仍由壽昌回金華劉典派馬隊追剿僅斃其尾賊三十餘而中鎗礮子傷不能行動者不下數百則悉斬之解散裔從約數千計搜獲賊中五月二十四日僞文言金陵急須救援然必先將衢城官軍擊退

始可前往時間李世賢回至金郡修濬城濠盡調各路驍賊歸併金華蘭谿龍游武義等處以圖久踞而抗官軍左公仍令王文瑞守遂安魏倫義駐昏口自率各營卽日進攻龍游蘭谿湯谿等城賊自受此數大創不敢再窺三衢復犯遂安左公既免後顧之虞始一意進取矣迭次捷聞均有

詔嘉獎其在事出力文武將士自劉典以下叙功賞賚有差

平浙紀略

卷二

六

平浙紀略卷二

平浙紀略卷三

同治元年七月十六日奉

命督辦軍務浙江巡撫左公率諸軍進剿龍游城小而堅東南北三面依水唯西面平曠彌望前此安越軍壁城外賊開濠五道密排梅花椿每濠內置犬繫鈴以防我軍潛越犬啤鈴動城上賊覺即施放鎗礮乘高擊下多傷士卒自秋迄冬盡銳攻之弗能克迫大軍入浙頻捷賊倚龍游為南岸門戶守愈固左公既調回援剿遂安各營即規進取是時賊偽侍王李世賢敗竄後復糾合金華巨股並調溫處各路驍賊分踞南岸湖鎮羅埠

平浙紀略

十

北岸蘭谿所屬之永昌鎮太平祝家諸葛村孟塘油埠裘家堰等處意伺官軍深入即乘虛襲我後路左公詢知之遂檄署衢州鎮總兵劉培元一軍駐龍游城西十里之圭塘山以副將睦金城等四營助之又調江西會剿道員屈蟠王德榜兩軍屯扼全旺為培元後路聲援總兵崔大光率四營屯軍於龍游城隔河北岸之茶圩左公自率親兵各營進駐距城十五里之潭石望以策應兩路別遣按察使劉典率馬步十營軍於高橋截剿援賊布置已定是日軍次東門橋適遇李世賢率千餘賊來偵楊鼎勛朱明亮即率所部攔橋奮擊殺傷相當

平浙紀略

卷一

賊見我軍後隊踵至始遁去生禽數賊據言世賢之黨駿天義鄧積仕蝦天義李賊撫天義楊賊眾共數萬屯踞油埠高園等處左公以不破平諸壘不足奪李賊之氣而孤龍游之援即於十七日分路進攻油埠賊巢劉典由中路進行至高園遇賊數十楊芳桂率馬隊盡殲之隨令各營播鼓猛進張聲恆黃有功奈萃隆齊蘭禮率所部出油埠之右賊不虞我軍猝至棄巢而走中路朱明亮劉光明整隊迎擊鏖戰逾時張聲恆等馳至兩路夾攻楊芳桂以馬隊橫衝賊不能支紛紛敗潰其從左路來抄者經楊鼎勛李耀南李良平突出截擊遂皆奪路狂奔我軍追殺十餘里陣斬鄧積仕及驍天熊廖得書等賊目數十其斃賊千數百生禽百餘獲偽印數十旂幟鎗礮以一二千計敗賊退踞太平祝家孟塘裘家堰等處結壘自固二十一日劉典率各營從中右兩路進楊昌濬督同親兵及前授黔撫江公派援之副將陳希祥劉榮合等從左路進前隊甫抵蓮塘值李世賢擁眾上犯欲撲我高橋營楊鼎勛李良平揮兵接戰擊斃賊數十各營催隊繼進賊遁還會日暮收軍不及窮追二十四日我右路之師先燬賊巢五處直撲裘家堰堅壘賊出隊抵拒典令各營奮力齊進賊敗入壘

環攻兩時垂破忽後路援賊奮至李良平受噓傷裹創力戰典率中營各哨扼擊斃其當先大旗數賊賊仍退併守壘我左路之師行近孟塘賊分數路來犯我軍亦分三路迎剿李耀南率所部首先衝殺楊鼎勛繼之鏖戰兩時擊斃龍旂賊目數人賊陣少卻別股賊突從左右兩路抄來楊昌濬一面分軍堵禦一面令鼎勛督隊向前力戰相持數時之久右路攻壘各營正收隊聞閩左路噓聲大震星馳會擊賊退走我軍亦收隊而還左公疏言臣查太平祝家裝家堰一帶地勢平闊村房稠密該逆盤踞於此與南岸羅埠湖鎮之賊相爲犄角意

平浙紀略

卷二

三

在死守金華蘭溪諸城以阻我進軍之路臣謂船尚未造齊不能扼截金華河路攻北則南岸之賊來應攻南則北岸之賊往援暫尙未能制賊死命李世賢屢經勦攻凶謀已寤入夥數年之死黨雜髮潛逃者實不下一二千之多而新據之眾則逃散不止萬計近以金陵首逆屢召赴援因臣軍苦與相持未能猝脫臣之一軍除防守遂安昏口分布衢城偪攻龍游縣城外其足供騾駟援賊者僅五千有餘近爲疾疫所苦病弱物故者多每接仗不能派六成之隊而各路賊黨方源源而來人數之多奚止數倍官軍自不得不煩以圖之再臣查溫

處之賊盡聚金華一帶而李世賢挑其悍黨屯踞蘭谿縣屬之油埠永昌鎮等處近日因與廣東賊不睦令其分踞嚴郡又嗾新到之賊分踞壽昌近城各鄉賊之蹤跡偏重北路世賢凶狡素著其詭計似阻我師進攻金華而覓路竄皖南以赴金陵賊渠之召臣已密致曾國藩預飭徽甯守將嚴爲扼截並飭卽選道王文瑞卽選知府魏諭義嚴扼遂安一路以撓其謀一面飛飭蔣益澧星速赴浙以便分道截剿蔣益澧聞於八月初二日始自長沙啟行具前隊於七月初九日啟行計此時已行抵廣信臣飛調其赴常山聽候調遣是時李世賢既

平浙紀略

卷二

四

屢阻堅匿不出見官軍方力攻北路意南路之備必虛遂嗾龍游賊避天義陳廷香勘天義李國章等於八月十五十九兩日率眾撲犯城西圭塘山劉培元陸金城等營壘均經擊退二十九日城賊萬餘復撲近圭塘山培元等出隊迎敵崔大光潛由北岸渡河衝擊賊陣之背賊駭而奔劉培元率各營乘勢壓擊追至城邊燬一賊卡陸金城暨楊和貴張人和王樹棠等大隊齊至賊繞城而走我軍由西門進至南門斃賊二百餘城上矢石雨下我軍仰攻逾時收隊三十日李世賢遣僞忠神上將李尙揚及懷天義胡明順吳天義張賊等由永昌湖

鎮率驍賊五六萬分三路來撲劉培元等營壘龍游城賊亦於西北門列隊相向裏外重疊排擁十餘里勢張甚培元令各營鎮靜毋動一面飛報左公立派親兵隊並劉榮合賴錫光兩營馬德順馬隊一營馳援合劉璈率各部伏於河邊林內崔大光嚴扼下游防賊偷渡指麾甫定時中路之賊正撲至培元營外濠邊劉榮合賴錫光率所部從左路繞出中路大呼殺入賊陣錫光腹中礮傷裹創督戰愈急賊漸靡培元各營空壁而出楊昌濬督親兵從山坡壓下將士無不踴躍當先以一當百中路之賊由左路敗走楊和貴張人和率所部邀之

平浙紀略

卷三

五

馬德順帶馬隊兩旁抄擊賊大敗狂奔拋棄旂幟器械無數右路之賊見中路賊敗仍蜂擁而來扇蠟王德榜兩軍從右路馳至會合中路諸軍併力急戰兩時許斃龍旂賊目十餘賊復潰走我軍三路追勦縱橫擊勢如拉朽其伏於西門之賊爲陸金城王樹棠擊退北門河邊之賊爲劉璈崔大光擊退是役也陣斬胡明順及泗天福印賊僞檢點黃賊僞指揮吳賊僞統制李賊等數十其斃賊千數百生禽百餘奪獲龍旂及鎗礮器械不少賊不逞於南路復糾合巨股萬餘人由永昌鎮竄踞壽昌縣城別分悍黨由壽昌出上方嶺左公以上方

嶺地勢緊接遂安西可竄開化常山南可竄衢州非將此股殄滅則南路各軍旣爲龍游城賊所牽制而衢防西北一帶在在堪虞左公所部皆節制之師號令素肅陷堅靡銳所向無前江西樂平之戰背水置陣以數千人破賊十餘萬眾雖淮陰拔幟臨淮麾旂不是過也李世賢負重傷以布絡繩昇之而遁故深畏之及是復數摧其鋒賊救死扶傷不給一意堅守浙固嚴疆城隘旣多防勦兼施並扼皖南江西福建三省門戶而安越一軍及衢防舊旅久役思歸又多遣散賊勢蔓延眾寡殊絕每患兵少不敷調遣適新授浙江布政使蔣益澧所

平浙紀略

卷三

六

部總兵高連陞率前隊至衢州左公仰令由其谿進駐蘭溪之高園閏八月初六日益澧率全軍抵衢分遣副將熊建益所部三千人往扼上方嶺一路高連陞所部三千人由梅嶺往攻壽昌行至距城八里而營賊見官軍猝至擁眾出城直撲營壘高連陞分兵由左右兩路進自領一軍由中路進大戰三時賊屢卻屢前官軍奮勇齊上呼聲震山谷立斃先鋒驍賊數十賊蒼黃走追至城邊乘勢殺入復斃賊數百立將縣城克復餘賊由南門奪路而逃追殺十餘里始收軍左公密令蔣益澧劉典由蘭溪西鄉進兵共圖李世賢所踞太平祝家老

巢世賢聞克壽昌懼官軍由小方嶺出襲其後卽於十四夜竄赴裘家堰結七大壘背河而陣及蔣益澧率部馳往斬殿後驍賊數十遂與劉典督各營躡蹤追至裘家堰距賊巢二三里軍焉約期會剿十八日黎明劉典率各營進攻逾時壘堅猝不可拔蔣益澧大隊急進合圍二壘高連陞率所部四營踰濠先登連破中圍二大壘賊盡殲僅逸出數騎劉典令朱明亮劉清亮和攻第三壘破之餘壘皆潰陣斬賊元天福萬興仁建天福劉茂林等生禽蓋天福王福勝等賊目二百餘皆伏誅共獲賊一千數百賊宵渡而竄溺斃者不可勝計獲偽印

浙紀略

卷二

七

百餘旂幟鎗礮器械無算拔出難民數千北路賊壘漸清其屯踞南岸羅埠湖鎮五里街等處者尚不下數萬眾而其地當龍游湯谿之衝爲賊所必爭左公隨令蔣益澧全軍渡河節節攻剽賊軍仍駐油埠爲後路聲援會羅埠賊酋僞王宗李世祥遣人詣益澧軍前乞降益澧密諭世祥相機內應二十六日夜率各營掩旂息鼓疾起赴之平明行近賊壘然礮爲號官軍由外殺入世祥率黨千餘由壘中殺出賊猝不及備棄壘潰竄官軍乘勝追殺斃賊七八百生禽三百餘賊壘悉毀湖鎮之賊運糧適至五星街崔大光偕李世顏邢得率各營

潛由北岸涉淺過河出不意擊之立將賊壘踏平殺賊五六百南路各壘亦清而龍游諸軍於閏八月二十日二十九日二次奮力併攻賊堅守不出城壘皆占地勢難力取左公於是進駐新涼亭距龍游城五里合各軍脩築長濠移營偪之而蔣益澧一軍由羅埠進攻湯溪劉典一軍扼油埠湖鎮以防蘭金援賊九月初一日湯溪踞賊見官軍偏近出撲高連陞能建益營擊我軍擊敗之殺傷甚眾初二日益澧攻北門連陞攻東門典會師攻西門圍城數匝賊穴牆門放鎗礮官軍踰濠肉薄城下前者被剗後者復進相持至暮始收隊連日

浙紀略

卷二

七

誘賊出戰痛剿兩次復斃賊數百而官軍連日陣亡者三十餘傷者三百餘益又一血戰矣左公疏言龍游湯溪之賊皆勢窮力詘求援於金華守賊自羅埠湖鎮五星街等處要隘攻克後道路隔絕城賊之勢已孤督臣耆齡復派知府康國器率粵勇三營至湯溪會剿兵力益厚惟兩城之賊附城築壘堅固異常恐未免曠日持久據投誠李世祥供稱李世賢山太平祝家竄赴裘家堰之時擬乘間由分水桐廬竄回潭陽護其眷屬然後由潭陽回援金陵留僞朝將李尚揚李永旺僞王宗李遇茂副天義劉政宏遜天義陳廷香勘天義李國羣等

率悍賊十餘萬分守金華龍游湯溪等處城壘以阻我師若將此數凶殄滅以下堅城似不難迎刃而解軍中搜獲李世賢偽文諄屬諸賊死守龍游湯溪金華四十日卽行折回且言逆眷在深陽爲各僞王欺陵不能不急回料理之狀查賊中僞王可數者共三十餘惟僞忠王李秀成僞章王林紹璋與世賢尙稱投合餘則彼此猜疑勢不相下金陵逆首洪秀全之兄僞勇王洪仁達尤爲各賊所恨似從前楊韋兩逆互相吞噬之事不久必將復見而李秀成喊各賊圍犯皖南意在緩浙軍之攻而抄浙軍之後其謀甚狡臣擬俟龍游湯溪攻克緩

平浙紀略

卷三

九

攻金華急攻嚴州相機辦理以圖其掃狂氛此後軍行分合進止蓋難預定臣惟有隨時與曾國藩熟籌大局以期共濟左公旣備龍游而軍遂於西南兩門外濬長濠引溪水灌之又以東門外寶塔嶺俯瞰賊巢地勢最要初十日商令劉培元就嶺設三小壘並分軍列隊防護申刻新壘成甫收隊賊忽出壘分股急撲培元親督所部極力堵禦左公復令各營回擊賊大敗走追近壘前賊復出官軍昏夜進戰殺傷頗多賊收入城乘勢追至城下轟攻良久乃還賊旣失寶塔嶺之險爲之奪氣不敢復出城拒戰矣是役也培元督戰最力所部守

備師有勝熊得先陷陣手刃數賊猝中賊洋鎗死之其餘將士陣亡者十五人受傷者七十人而斃賊則有三百餘焉翼日左公令各營分攻城壘五鼓揚昌濬暨虞紹南劉墩各率所部併攻傍城一壘出賊不意疾驅拔開花籬地刺堆草填濠而進拋火彈然賊藥桶火起賊亂官軍乘勢肉薄登壘尤驍勇者直從罅眼鑽入壘中斃賊數百脫去者僅三四十人而已禽斬忤天安任方海等十餘賊所有僞印及鎗礮器械馬匹悉爲官軍所獲而紅綢蜈蚣形畫龍旂多至二百三十餘面賊之暴殄於此可見其餘各營猛攻數時之久被創不退四壘

平浙紀略

卷三

十

垂破復完城賊出自東門爲下德榜劉墩等截斬大斃賊數人餘散入城各營悉銳力攻卒以鎗礮太密傷賊過甚而止是役陣亡者八十餘受傷者至七百餘之多十月初二日左公派隊專攻第一賊壘以誘其出賊由牆穴環開鎗礮無隙可乘久之驍賊百餘持洋鎗躍出爲官軍擊斃數十而官軍亦陣亡十餘傷五十餘哨官受傷者七人游擊羅端明創重而殞亦諸將中之敢戰者也攻堅之難如此其湯溪之軍蔣益澧合熊建益謝永祐等與康國器所部四面合圍高連陞防金華援賊而益澧自駐羅埠以遏蘭谿之援東門外山上賊壘最

堅難以仰攻復派兵偪紫與之相拒分向城巔開通地道數處而蘭溪賊僞天將譚星先於正月初十日率黨萬餘來援龍湯在江坑花園一帶結八壘踞村莊十餘里焚掠至羅埠三里外勢殊猖獗十二日益澧督諸將三路進攻副將劉清亮參將周廷瑞曹魁甲及馬德順馬隊由左知縣楊道洽軍功李世祥率所部由右副將何萬華守備徐文秀率所部由中益澧自率親兵策應諸路誘戰良久賊伏不出益澧審視惟江坑二壘較固遂令右路一軍往攻以牽之急麾下左兩路並進沿途焚賊館十餘處先破一小壘各壘賊紛紛出援擊斃

平浙紀略

卷二

七

賊二十餘賊敗歸我軍乘勢猛撲王東林何萬華徐文秀等從礮石中大呼躍入五壘次第踏平追奔至距蘭溪縣五里乃還擊斬溺斃之賊不下六七百生禽八十餘獲牛馬數十鎗礮旂幟刀矛無算拔出被虜老幼男婦以千計惟譚星帶死黨自踞江坑之壘未破益澧卽於是夜械約劉典翼日會攻十三日黎明各營齊抵江坑典率所部自五家圩渡河合圍破其後壘餘匪梟水逃竄我軍截擊斃賊近千生禽百餘無得脫者獲騾馬二十餘匹旂幟軍械無算復合攻前壘我軍氣勢百倍拔去椿籤數丈踰過二濠以火箭火彈拋入壘中賊正

惶急間忽蘭谿援賊大至益澧令高連陞劉清亮徐文秀馬德順楊芳桂等率馬步迎剿賊其前鋒數十賊乘勝追至蘭谿城對岸悉燬沿途賊巢復斃賊百餘溺死者甚眾申刻歸隊併力攻壘賊以死抗拒卒未能下賊亦膽落焚壘遁去分兵追斬及溺死者數百從羅埠至蘭谿道路已清連日諜報金華援賊進至湯溪城東二十里白龍橋一帶縱火燒村燄燄四起劉典高連陞出隊往剿賊駭卻十五日益澧復派高連陞建益率隊前往搜捕會賊由金華運糧至官軍驟乘之斬獲頗眾賊棄糧潰連陞等率馬隊追殺直至距金華府城十里

平浙紀略

卷二

七

而還沿途復禽斬賊百餘湯溪城賊連夜出撲均經熊建益劉清亮康國器等營擊退十月初三夜賊突於東門外築兩壘南門城根築一壘意在連絡城壘而留窺金華之路初四日黎明益澧卽督高連陞及康國器等部力攻至午悉將各壘踏燬陣斬級天義李占魁共殺賊二百餘生禽十六獲大旂五十餘軍火器械二百餘賊遁入城中譚星自江坑退走築壘蘭谿城外固守並來往剽掠溪西虹霓山中施家灘厚仁寺女埠等處九月二十四日劉典督黃少春朱明亮楊鼎勛楊芳桂等馬步四營會合白露山民團進剿賊卽紛紛退走過河

我軍乘勢追至樟木村賊入壘拒守黃少春率勇從壘後斬關入楊鼎勛督隊截其前門賊踰牆出者均陷濠塹籬柵之中約賊六七百各村壘出賊千餘來援爲朱明亮楊鼎勛等分路擊敗追近蘭谿城邊又斃賊數百日暮收隊過河譚星復率黨千餘合敗賊來犯劉典飭各營扼河皆禦朱明亮率隊從右截之殺傷先鋒賊十餘奔竄溺死者數十是日共斃賊千餘生禽三十餘均伏誅獲偽印及驛馬旂幟軍械無數賊迭被痛創復糾合義烏浦江及嚴州援賊於金華江蘭江西岸潛脩堅壘自固十月初二日蔣益澧劉典各派隊分攻截

平浙紀略

卷二

五

殺蘭谿拔賊百數十而益澧所部陣亡八十三受傷亦數十則以地曠路歧收隊不易坡陀間多遇伏賊故也譚星之弟譚富擁眾萬餘屯踞嚴州府城並於近城數十里內節節設卡河下安泊戰船以阻我進師之路左公調魏翰義自遂安率所部二千人移屯高安銅關及壽昌縣城攻破洋溪賊卡斬賊目黎滿志餘眾悉降十月初三日會合民團攻破嚴城北路三卡賊數百奪獲偽印四顆初四日城賊分股竄至南路黃山頂一帶將併蘭谿賊眾上犯餘義派隊合民團擊敗之禽斬頗多左公疏言龍游湯溪蘭溪嚴州諸處大小數十戰攻

破壘卡三十餘處殺悍賊六七千賊目近百惟各城及附城諸壘堅不可拔賊知官軍不可力敵遂以死守城壘之外濠溝深闊木椿地鉞環濠數十丈徧地密布不能容此官軍高攻愈猛傷亡愈多而龍游湯溪兩城爲金華要道必兩城下後路清而後可攻金華蘭溪一水直達嚴州必蘭谿下餉道通而後可攻嚴御此三城者如骨在喉非採取之不快而各營距城不過一里半里勢亦難舍此他圖屢據逃出賊言龍游城內折屋爲炊賊數雖有兩三萬除老弱患病外能戰者實不過數千人湯溪賊情勢亦同臣現密飭各營於賊所可竄之路分起放哨設伏斷其接濟截其去蹤湯溪只一城一壘尙有可開地道之處現已設法趕辦劉典駐軍太平祝家及湖鎮之間專備截剿嚴州蘭谿援賊將益澧一軍屢奉

平浙紀略

卷三

五

寄諭飭援金陵臣亦屢接曾國藩城咨頻催將益澧率所部馳接皖南以便鮑超赴金陵之援維時將益澧已逼近湯溪縣城連紮十餘營宵柝相聞一時不能即撤而賊首李尙揚勢頗窘蹙將益澧意此城旦夕可下不欲棄垂成之功且以此間局勢論之湯溪不拔則龍游之賊得通金華蘭溪之援臣軍之圍龍游者亦將四面受敵

得通金華蘭溪之援臣軍之圍龍游者亦將四面受敵

正躊躇間續准曾國藩咨城會國荃頻獲勝仗連破賊壘金陵大營局勢漸臻穩固鮑超與張運蘭力禦甯國之賊蔣益澧無須馳援洵為意外之幸龍湯久被圍賊倚金華為老巢而實恃嚴州為犄角左公以其地外通皖南達杭尤關形勝魏喻義既駐軍銅關據險設卡號召民團聲勢漸壯然猶慮其兵單令將分駐壽昌千人併歸銅關並遣劉典一軍力攻蘭溪以分賊勢監賊首譚富兄弟本廣東著名老賊分踞嚴蘭互相首尾乃李世賢嗾其合勢以扼我軍者也十一月初八初九日嚴賊糾集桐廬浦江各賊疊次來犯喻義俱擊走之頗有

浙犯略 卷三

五

斬獲民團之氣亦振城中被脅難民時詞賊勳靜詣營密告賊恃其眾不之覺十一日譚富傳偽令期十三日傾巢撲營魏喻義聞之於十二日已刻率所部偃旂息鼓赴洋溪二鼓潛趨鐘嶺下分路設伏少頃先鋒賊五百餘行過嶺前伏兵驟起圍殺無一脫者後隊萬餘見前賊被讎驚竄回城魏喻義令揚旂發號佯退洋溪以弛其備次日晡令諸營各昇攻具約聞噓即登所造礮船直下南門大河斷其水道馬隊由北繞過東門斷其下竄桐廬之路喻義督親兵於夜半潛抵西北兩門監立雲梯號礮一鳴前營通判李昌彩守備劉華汜千總

李光彩左營都司黃占熬外委楊信成中營都司魏光謨周世運守備王宗高右營都司魏發沅千總胡世忠把總魏名璋後營游擊李成化及各營軍功雷繼襄邱奪才等先登師從之盡殺守堞巡夜賊百餘城賊分段擁上我軍奮威衝殺火彈火球連環拋擲自亥至丑殺賊二千餘城上賊盡始下賊復巷戰呼聚愈多我軍轉戰愈勇至南門大街各營畢集斃賊不知其數餘賊數千向東南狂竄城門鍵固猝不得啟則由女牆躍下墜死者又百餘即將嚴州府城克復其河五艘船二百餘艘為軍功李本鴻督帶礮船駛下蘭溪港口轟燒殆盡

浙犯略 卷三

六

於水各賊率皆淹斃越城得脫者沿河為礮船所擊竄至東路又被守備林德元魏光翰馬隊追斬千餘時已鷓晨各路圍丁悉至餘賊數百無路可遁偕回東門城下拋置器械伏地請降魏喻義受之及被虜之本地難民概令薙髮分別安撫遣散計共殺賊萬餘搜獲偽印二百九十三顆奪獲馬匹二百餘旂幟軍械無算惟譚富訪無下落而獲其畫龍大纛及黃緞繡龍袍帽褲等物我軍陣亡僅十八人傷者一百七十五人左公疏請將魏喻義等有功將士優擢並言新昌縣之賊均竄諸暨東陽義烏之賊亦紛紛西竄據紳團探報羣賊竄

聚金華意在援救湯溪龍游然徘徊不敢遽進龍湯兩城之賊揚言李世賢已至徽州約諸賊固守實則接濟已斷外援不來諸賊亦自相猜貳其偶爾衝出零星小股均被官軍擊退每次禽斬數十百人然城壘極堅多傷精銳一時未能遽下臣聞江西五千勛木壳銅心大礮能發二十七八勛炸彈其製與洋人落地開花礮略同臣於調取到時兩次親自監放並攜礮規測驗均近城而墜次將礮壘移近除開有先炸數顆外餘均墜入城中轟坍房屋炸斃逆賊諒亦不少然賊之穩踞如故可見西洋所恃為利器者亦祇能驚可動之眾無倫之

平浙紀略

卷二

七

城也現在嚴郡既克金華右臂已斷龍湯兩城之克當亦不遠臣惟有盡瘁圖之軍中自夏徂秋疾疫甚行夫勇物故者至四千餘之多入冬漸息前此奉

諭垂詢左公傳知各營官哨官剴切宣示諸將士無不感荷皇仁時已缺餉七八月卽病弱稍能起者俱不忍言去士氣若此識者知賊不足平矣爾城久困全浙賊勢亦併力西注湖紹兩郡賊酋偽戴王黃呈忠偽首王范汝增偽梯王練業坤各率黨白金華城西至甯坊開化村白龍橋一帶連營數十里以援湯溪新昌嵒諸暨浦江各縣之賊與蘭溪賊譚星合勢自縣北將軍巖大慈巖至溪

西一帶亦連營數十里以援龍游城壘惟時出零賊潛赴各村掠食並偵援賊消息遇官軍輒縮退自十一月十三日至十二月初十日龍游各營邀擊四五次計共斬賊數百而湯溪各營十一月二十二日迎勦援賊范汝增練業坤於白龍橋殺賊二千餘生禽百餘奪獲賊馬三十六旗幟軍械無算二十四日湯溪賊知援且至兩次出城撲營均爲熊建益擊退是日蘭溪之賊亦渡河而來將益澧派隊擊之陣斬賊二百餘生禽十七二十五日劉典會益澧所部擊譚星於羅埠之外殲驍賊六七百幾生獲星星易馬擁洋鎗隊遁去二十六日益

平浙紀略

卷二

八

禮會劉典及康國帶分攻甯坊援賊陣斬數百是日魏愉義由嚴州潛搗蘭溪將軍巖之賊焚七壘亦斃賊三百餘十二月初八日益澧因地道阻壞憤而攻壘竟日斃賊數百士之勇銳者傷亡亦三百餘而副將何萬華守倘賀啟泰以登壘中礮殞初十日同知劉璫率所部三百人會署蘭溪知縣江紹華夜攻溪西賊壘遇伏失利都司李錦榮守倘賀秩成譚永和把總劉德明侯忠信力戰死團勇傷亡共一百六十餘官軍亦陣斬一賊酋並禽斬驍賊二百餘迨收隊副將黃有功奮勇截殺連斃騎馬賊目三復斬驍賊百餘劉典策賊必由西路

上犯約益豐派隊助剿十一夜設伏馬公嘴近村次日賊果大至縱其深入斜出抄之四面合擊斃賊七百餘斬譚星之姪榮生禽百餘獲馬十餘匹十四日蔣益豐劉典復會剿開化村援賊斬賊數百級而游擊彭永壽陣亡二十一夜劉典率水陸各營進攻蘭谿城壘賊匿不出僅斬其放哨賊數十奪賊船八艘而還是夜賊目張成功率率黨五百餘乘閒詣益豐軍前乞降受之左公以援賊雖眾悉爲我軍截隔城賊益懣勢難久存而賊注意西竄局勢有不容不慮者於是疏言臣軍以江皖爲後路蘭谿之賊可由壽昌間道出常山而入江亦可

浙紀略

卷二

九

由遂安而入皖金華之賊可由松陽遂昌出江山以入江亦可由龍泉以入閩此數縣者斷難任其侵軼惟有勉力圖維隨時咨商閩浙督臣江西撫臣力保完善之區以制方張之寇十二月除夕四更微雨初歇天容黯黮龍游突有賊數千出撲東門營盤噴筒火箭並射直前劉培元督眾憑壘轟擊斃賊數百侵曉遁回同治二年正月元日馬德順率馬隊巡哨至城東南五峰廟遇掠食賊擊斃數十生禽二十八嗣是駐營湖鎮之崖大光駐營張家埠之劉光明余萃隆等皆屢有斬獲難民藉刈野菜逃出者日以數十計初九日王德榜請率所

浙紀略

卷三

十

部於城南移築三小壘偏之左公令各營列陣以俟賊謂官軍盡移東南忽出悍黨千餘猛撲西面營壘參將余佩玉督新練溫州勇奮擊斃賊數百劉明燈張人和劉明珍等各率所部衝殺賊敗入城之時官軍開放劈山礮又轟斃紅衣騎馬數賊是夜城中賊自相鬪人聲鼎沸左公知其將遁益令嚴備初十一日賊將城內輜重出屯外壘左公射示城中諭降十二日酉刻月色瑩澈賊潛啟東門向湯溪大路奔竄左公先已派水陸馬步各營分路邀擊並飛檄蔣益豐及閩軍截之具時劉培元王德榜陳希祥賴錫光劉榮合毛正道等各率所部分入城壘捕斃賊遂克龍游城中賊目張可成蔡廣元率黨千餘款揚和貴營乞降受之諸軍一面奮追劉光明李世顏邀之張家埠水師礮聲齊震賊逃竄至湖鎮崔大光余萃隆橫出截殺劉培元督劉明珍梁雲山黃本富鍾南英劉明燈楊和貴張人和簡桂林與馬德順馬隊繼進楊昌濬及虞紹南李光瑩許培光余佩玉率親兵營向西南一路迤東兜剿賊且拒且走官軍或遮其前或轟其後或撓其旁重重截殺約計萬餘山谷坡陀賊尸填委沿途棄械四散及難民逃出者不知其數賊酋陳廷香李國羣逸去獲其眷屬及偽印

偽令十三日卯追近湯溪縣城益澧等整軍迎擊又斃賊數千其得竄往金華者寥寥無幾後爲官軍所殲蓋各軍已於十一日克湯溪十二日並克蘭谿金華矣先是將益澧於湯溪城外加掘重濠屢敗金華援賊時復射示城中曉以禍福正月初九日賊日偽朝將彭馬蘭遣人乞降益澧隨令副將劉樹元守備徐文秀軍功李世祥等至城邊密與要約初十日亥刻彭馬蘭計誘偽忠裨天將李尙揚瀛天義張公慶喻天義劉明榮慈天義李加斌等至濠邊劉樹元徐文秀出不意禽之益澧見巨酋統縛卽令各營分攻城壘自率親兵於西門

三浙紀略

卷二

三

策應而康國器軍攻其南彭馬蘭見官軍大至疾啟西門徐文秀匹馬衝入劉清亮曹魁甲周廷瑞賀國輝王春林率隊繼之與賊巷戰約一時許擊斃二千餘余朝貴丁賢發亦以所部梯城而上復殺賊二千餘城中火四起哭聲殷地驍賊各奪門出走自相蹂躪死者不可勝數間有跳越重濠者高連陞謝承祜楊道洽及閩軍蹙之又斃賊四千餘殆無遺類卽將湯溪克復東門壘賊見城破火起亦棄壘驚奔爲高連陞等截殺殆盡時已天明益澧立遣高連陞熊建益乘勝迅擊援賊戴首梯三偽王正惶怖聞大軍擁至卽悉眾逃奔掩殺二千

餘搜斬數百餘所有酤坊開化村白龍橋等處數十賊壘一律焚毀奪獲輜重軍火器械馬匹偽印無算十二日連陞督率十一營進屯白龍橋賊酋黃呈忠等竄路從東北竄去金華踞賊劉政宏亦率黨從東門而逸高連陞熊建益等乘勢奪門而入殺賊二千遂克金華府城蘭谿之賊先後爲劉典攻擊已分竄浦江城賊無多惟馬公嘴溪西兩壘尙堅守是日間湯溪已破棄壘分兩路逃走劉典令黃少春李耀南黃有功楊芳桂各率所部羅啟勇水師與湯溪會剿各營追斬賊數百夜間復跟追三十餘里又斃賊數百解散甚眾奪獲輜重軍

三浙紀略

卷二

三

火不少而蘭谿縣城亦克金華占終州城垣鞏固最得地勢考近代浙中兵事皆以婺爲關鍵如李文忠之制方氏李之芳之拒耿藩是也賊旣阻險於此更恃列城近爲屏蔽遠作爪牙困獸游魂稽誅歲月嚴州旣定皖防益安二三日間連克嚴邑乃乘勝舉之不煩攻取之難已成衆入之勢扼吭拊背杭州震動棧局爲之大轉左公以賊酋李尙揚與蕭葦諸賊始事並起凶獷夙著近復擁眾爲世賢死守惡尤貫盈磔之餘咸伏誅捷聞有

詔嘉獎布政使蔣益澧按察使劉典總兵高連陞劉培元以

下敘功有差節次攻戰陣亡將士均荷

賜卹

平浙紀略

卷三

三

平浙紀略卷三

平浙紀略卷四

同治二年正月奉

命督辦軍務浙江巡撫左公既督諸將連克湯溪龍游蘭谿
金華各城軍聲大振賊失重險枝葉離披腹心震懾不
敢徑歸杭州乃獸駭鳥散思延旦夕之命金華潰賊與
首梯戴三偽王由義烏竄至諸暨譚星率蘭谿敗賊竄
至浦江會福建援剿之總兵林文察方攻武義至是與
署永康知縣程陶成稟報十三日武義永康之賊同時
遁走文察督軍追殺遂復武義陶成亦率民團收復永
康東陽義烏之賊聞風向諸暨一路紛竄並復其城左

平浙紀略

卷四

十

公先已令蔣益澧分軍由武義永康義烏進剿按察使
劉典由浦江進剿合攻諸暨縣城典督各營先偏浦江
十八日劉坡黃少春等率所部馳至賊望風奔潰擊斬
數百追至距城五十里之白馬橋而還遂復浦江典卽
令各營乘勢進攻諸暨黃少春及黃有功李耀南等可
宗楊芳桂各率所部由牌頭攻諸暨之南劉坡及朱明
亮齊蘭禮各率所部由草塔截其竄逃之路諸暨枕山
襟谿號爲險固明帥進取杭溫皆力爭之民風素悍團
丁屢殲於賊及見官軍至無不踴躍爭先願爲前導二
十二日夜半黃少春等督隊掩至城外二十里遇賊急

擊之禽斬數百賊敗入城官軍圍而攻之四面民團助
聲喊殺賊驚惶無措遣黨詣軍乞降少春等受之次
日率隊及民團入城遂復諸暨所有投誠賊眾千餘劉
典令雉髮遣散歸籍餘賊回竄紹興而偽首王等及金
華敗賊聞官軍將至復遁義橋惟譚星一股由浦江敗
竄李秀成之黨阻其回竄杭州別向桐廬而去蓋羣賊
喪膽咸無固心一聞官軍追至即復狂奔足不停趾假
息維喙破竹埽籜此之謂矣左公令劉培元率水師順
流而下會魏倫義所部合擊桐廬之賊遏其西趨而自
移軍蘭谿欲俟金華等處布置稍定親至嚴州相機調

平浙紀略

卷四

度又以劉典一軍常由嚴赴徽爲肅清皖南之計必江
皖邊圉安謐我軍無後顧之慮方可一意進取是時將
益澧解送龍游賊酋李國羣并膺天義萬連勝燕天安
陳其得等訊稱陳廷香在白龍橋被官軍擊斬國羣率
其死黨翻山竄至蘭背源後遇參將化儒軍阻截於是
詐稱李懷忠乞降前所獲偽印偽令由賊目輩天福劉
洪飛帶護已被龍游追軍禽斬左公以國羣抗拒官軍
最爲悍鷙當勢窮力竭始乞命歸誠詭易本名希圖免
死罪無可赦磔之並以連勝其得爲賊力戰創痕偏體
亦皆梟示我軍既克諸暨賊酋何文慶由紹興率黨二

千餘來犯徑撲城下適高連陞熊建益已於二十三日
率所部馳至即督隊迎擊斃賊三四百生禽數十餘賊
竄回正欲移營而東陽永康敗賊萬餘又紛紛竄至高
連陞熊建益黃少春李耀南合兵追擊大敗之殺賊近
千拔出難民數千奪獲旗幟器械無數劉典復率各營
追至應店街斃賊數百首梯戴三酋因官軍追躡率黨
由義橋登舟下竄人多船重沿江溺斃甚眾桐廬先有
賴賊踞守益以各路敗賊萬餘於沿江修築石壘勢復
熾二十八日劉培元合副將楊政謨率舢舨師船急駛
下流截獲一賊船二十九日賊見官軍少悉眾來戰政

平浙紀略

卷四

謨督隊奮擊燒賊船百餘號奪燬船數號民船二十餘
號將沿江賊壘悉數焚毀殺賊數千溺斃無算餘賊竄
伏城中是夜政謨約會魏倫義所部陸軍併力圍攻遂
克桐廬杭州上游唯富陽一縣尙爲賊踞左公疏言劉
典一軍追賊已抵富陽縣境當杭州之西南距省城僅
八十餘里蔣益澧所部高連陞熊建益等已由臨浦義
橋蕭山而前當杭州之南距省城亦不過數十里若遂
乘勝長驅杭州輔少城孤似亦無難速克惟譚星一股
已與花旗賊合由於潛昌化竄入皖南必將勾結太平
石埭諸賊擾我後路其僞王黃呈忠等聞已向富春渡

江意在與賊首李秀成合勢謀犯江北杭紹嘉湖均爲秀成分地臣現飭將益澧率所部全軍規取杭州以輟其北竄之謀臣所部除分駐金華外均隨臣進駐嚴州而催劉典一軍仍回嚴州以漸向皖南其由湘新募之勇計此時已行過南昌臣飛檄廣信府暫爲截留聽候劉典隨時調遣以重江西邊圍之防並先檄劉培元率所部三營前赴馬金街會合王德榜一軍相機截勦再由臣軍分撥八營扼紮清安縣之港口茶園以遏迤遂之衝一面申徹各營切勿貪省城克復之功冒進而忘大局勿憚江皖迂阻之勢就易而昧戎機將來皖浙兩

浙江紀略

卷四

四

清臣擬願懇

天恩總以殺賊之多寡爲勞績之高下一體錄敘以昭獎勵庶人心競奮易就救平於是杭賊之勢漸孤陸路以富陽爲屏蔽自賊踞杭後卽脩築富陽城壘雉堞一新城背山面江左嶺右谿西接七里瀧東屬錢塘江面漸闊形勢完固而當官軍克復桐廬之時杭屬新城紹屬蕭山之賊均棄城竄竄併聚於此踞杭之賊亦以前所奪戰船溯流上拒左公令水師副將楊政謨都司羅啟勇等先率所部師船駛往察看賊勢二月初六日政謨自桐廬擊楫而下遙見賊船數百簇列城邊前後護以礮

船遂傳令師船分兩隊翼排疾進頭隊繞向南岸直攻中堅百礮齊轟江流鼎沸火箭噴筒進注賊船頃刻延燒殆遍賊之礮船復爲我後隊師船擊敗官軍前被賊擄者各以礮船大呼投誠羅啟勇適帶所部師船駛至與政謨並受之返礮轟擊賊大擾亂並乘船入壘官軍亦登岸賊之踏平二壘殺賊甚多奪獲旂幟鎗礮無算日暮收隊是役共燬賊船數百艘奪獲礮船十數民船數十斃賊近千政謨等駐營南岸城賊爲之奪氣蔣益澧既定臨浦義橋諸鎮卽令高連陞能建益馳抵富陽自率後隊繼進並自南岸上游渡江魏諭義奉檄率

浙江紀略

卷四

五

所部由桐廬來會左公以杭賊援富陽宜先挫梳之如堅城不可驟拔則令益澧率軍直撼杭城而分兵助諭義扼要爲營以緝富陽再由嚴州撥兵駐新城師船翼之以遏賊援而通餉道又兼籌皖南富是時皖南賊有三其一胡黃古賴諸賊卽踞甯國太平石埭旌德者也其一花旗賊素皆廣東無賴雖實怯戰游行掠食蹤跡靡常爲賊黨所不齒前年由粵湘江右竄入浙皖者也又其一卽譚星在浙境被官軍截殺遂由千秋關竄偏徽州左公前卽疏陳以劉典一軍肅清皖南時已從威坪行至屯溪新募之勇亦令由廣信趨婺源會賊從

太平石埭來犯夥祁門界分駐漁亭之總兵丁長勝副將王明輝等於二月初二日新授贛南道王文瑞督率郭德馨楊海泰羅瑞山喻勝榮等於初十日連破走之斬獲甚眾賊美天福張北湖被天福張小滿謙天福鍾有朋偽丞相王大吉軍政司蘇四達黃齊升皆被禽斬之胡古兩賊之勢頓衰而徽防較固左公疏言規江西之路爲大局計卽所以爲浙計富陽賊爲水師所挫連伏十餘日於西門脩卡置大礮堅守僞天將謝賊僞朝將汪賊踞城東北之新橋環築數壘以爲犄角蔣益澧既至二十二日令高連陞熊建益兩軍移駐新橋偪之築壘未竟賊分股來撲官軍然放大礮轟斃數十賊勢稍卻我軍一鼓齊進賊退回壘新授溫處道魏喻義乘勢會同總兵劉清亮亦進偪富陽二十四日益澧移駐新橋田壠與賊隔水而軍令高連陞由右熊建益由左賊卽出大隊先撲左路我軍以礮擊之斃賊數十仍潮湧而來建益大呼馳馬陷陣王勝芳李運榮李世祥翁桂秋楊道洽兩旁齊出王陳林從田壠橫截之前賊甫敗後隊之賊又進熊建益等奮力衝殺斃大旂數驍賊始大敗奔回陣斬四百餘馬匹三十六當左路

浙紀略 卷四

六

酣戰之時賊分兩大枝並撲中右益澧令徐文秀鄧受福掩旂伏於低田周廷瑞賀國輝余朝貴等佯敗誘之伏起掩殺賊駭而奔益澧縱兵進擊斬馘無算高連陞以右路之師迎戰連斃騎馬及大旂十數賊賊敗走官軍乘勝追之賊復分隊來抄官軍小卻益澧急揮徐文秀鄧受福往援賊來愈眾殊死戰張志公王宗元匹馬衝入賊陣手刃數賊宗元中洋鎗死志公亦身被數創益澧督親兵及張會元馬隊馳之高連陞等復奮短兵前圍斃賊百餘始大潰其被官軍追戮及墮落淹斃者又二百餘戰方急時城中突出二千餘賊乘虛撲我西門營盤曹魁甲憑壘守禦劉清亮督隊抄擊殺賊數十賊敗過石橋楊政謀羅啟勇等率師船沿江追轟復斃多賊會陰雨瀾月谿流暴漲左公以地勢遼闊後阻深潭難以趣戰又自富春江下潮汐甚大製長龍戰船未成舢板身輕不能壓潮駛運乃調甯波水師布輿有等艇船並令甯紹台道史致謬僱募烏船十二號從暨子登駛入錢江助剿復令李錫回賴錫光率所部駐守新城楊鼎勛率所部駐守桐廬以通餉道而固後路謝汪諸賊皆李秀成死黨故戰最力旣挫其悍氣頗窮賊左公見富陽新橋賊並堅踞屢誘不出意有詭謀並以

浙紀略 卷四

七

新城屏蔽桐廬與富陽官軍聲勢響應地尤要害慮兵力尙單於是令魏喻義所部二千人馳往備之布置甫定李秀成果嗾僞聽王陳炳文釋常然昭文之圍而急援富陽且糾集蘇常杭嘉驍賊數萬嗾守嘉興石門之僞歸王鄧光明及新橋僞將汪黃二賊由餘杭趨臨安將襲新城以抄富陽官軍之後已竄踞觀音山一帶進紮山口距新城僅三十餘里值魏喻義馳至四月朔日會賴錫光等進剿賊大至縱鎗礮擊之斃賊數百猶死拒不退喻義分軍由小路抄之自率親兵殲其先鋒數賊始奔潰我軍乘勢追之斬賊千餘生禽百餘奪獲

平浙紀略 卷四

九

旂幟軍械數千件一賊騎黑馬掠陣官軍聞之數重爲數十賊騎擊洋鎗擁護突圍去僅於道旁獲其黃呢大轎訊之禽賊卽陳炳文也是夜僞朝將汪賊復分路來犯比曉已至永昌山霧漫空不辨咫尺魏喻義督軍迎勦賊潛由林谷中抄出我軍奮勇衝殺鏖戰三時守備劉立號陣亡都司楊陞斌被重創其餘將士傷亡數十人喻義且戰且退由東門收隊入城賊躡蹤追至賴錫光等由南門出擊賊少卻急折附城民屋嚴軍守城賊復進合圍火箭噴筒進射城上環攻兩時賊多傷斃乃退三更後又分三路撲城拔開木柵梯城而上我軍伏

於牆內待其逼近發礮石擊之斃賊不知其數方喻義之退保新城也蔣益澧遣熊建益尾賊後至板橋殺賊百餘禽五十餘獲米數十石而還復遣提督高連陞率數營赴援而自以親兵繼之令熊建益回防新橋初三日高連陞馳抵新城之南楊昌濬率十營自嚴州往援賊見我師大集拋棄攻具向臨安一路遁去連陞邀斬殿後賊數十而返先是賊圍新城城中糧僅一百餘石各營呼號求援昌濬馳書喻之以賊由杭州竄糧而來斷難耐久但堅守三四日援師集矣賊必望風遁去已而果然是時新橋賊疊見官軍方搜新城突出數千賊

平浙紀略 卷四

九

分路來犯熊建益擊敗之乘勝攻壘石臂中洋鎗猶獲創督親兵踰重嶺直薄地邊猱騰而上賊勢大亂將遁矣忽洋鎗洞中建益小腹踣地親兵昇回而卒賊亦不敢復出建益隨征十年橫勇善戰所向有功左公深惜之疏請與王宗元劉立號同優卹並請予諡於死事處所建立專祠蔣益澧聞報折回時楊昌濬援師前隊羅大春簡桂林楊鼎勛陳鍾爵四營先抵新城益澧遂調高連陞一軍還駐新富適中之地往來策應初六日賊陳炳文率各賊由桐嶺謝聖嶺千家村一帶至洪莊上陳泗洲布陣數十里漫山遍野意與我軍決

死戰初七日蔣益澧正在派隊迎勦賊已分股來撲王東林曹魁甲兩營從高馳下勢殊迅猛官軍列隊仰攻相持兩時許王東林曹魁甲冒礮石衝上斬驍賊十餘賊敗歸對山復悉銳來撲高連陞營連陞分軍左右伏自率親兵嚴陣待之賊近礮發斃黃衣賊一先鋒賊數十賊卻伏兵左右抄擊賊大敗王東林曹魁甲復從後截殺陣斬偽朝將李賊等三十餘生禽數十皆伏誅其斃賊四百餘傷賊近千自此賊抄襲官軍之計始沮矣先是水師楊政謨羅啟勇聞杭城踞賊隨陳炳文上竄欲乘虛襲之月朔率師船直下閩口遇賊船百餘艘卽

已各

十

開礮轟擊游擊布良帶等見上游師船駛至各舉戰艇夾擊賊勢不支棄船而走政謨等登岸追殺直抵杭州望江門外踏平一賊壘殺賊數百燒船數十奪船三十餘杭賊大驚亟呼陳汪各賊回援賊旣在富陽攻壘而敗知官軍布置嚴密無懈可乘而趨援者日數至遂鼠竄回杭左公疏言蘇常各賊急援杭州本在意料之中其逕犯新城思襲官軍後路亦賊之常技新城城小而固我有重兵駐守以主制客以逸待勞賊雖悍且眾亦何能爲惟以規復局勢而言非重兵由新城臨安直趨餘杭不能扼杭城之吭而拊富陽之背乃微休祁野雖

以次肅清而賊由池屬建德犯江西饒景太平石埭等處尚有餘賊踞守劉典一軍勢須兼顧邊難撤回通計臣軍水陸馬步僅三萬餘人劉典王文瑞兩軍之在皖者已一萬有奇蔣益澧全軍之攻富陽者亦一萬有奇臣復撥馬隊水師助之其餘各營除分撥下游之新城桐廬及義橋一帶上游之信安遂安兩縣外尙須分防衢州金華嚴州兵力實不爲厚如新隸各軍漸知紀律機會可乘臣自當迅速以赴戎機蓋其時南波軍頗究留束以營制而專其責成左公欲收餉節兵精之效不

卷四

十

行險以逸利不浪戰以急功其謹慎師武鄉老成似營平而戡定之功卒不外乎此觀其前後所上事兢兢於此三致意焉是月左公於嚴州營次得旨補授閩浙總督兼署浙江巡撫旋因疫氣流行左公及諸將僚佐均病瘧痢軍士物故病憊者且半劉典一軍方轉戰江皖之間王文瑞駐守祁門浙中兵力過單首尾相距太遠聲援不繼顧此卽有失彼之虞能守卽有難戰之勢形隔勢阻未能乘勝深入迨七月杪江西一律肅清劉典引軍還歙左公乃調康國器所部粵勇馳赴富陽助勦蔣益澧亦請令法國總兵德克碑量帶洋礮

及洋鎗隊前來富陽爲會攻城壘之計並力疾察看沿江上下形勢見城北維籠山以下賊連踞壘卡十餘處地勢最險必由北進攻奪其要隘斷其糧道始可制賊死命於是約水師副將劉連陞都司梁雲山等調集師船八月初六日令徐文秀余朝貴李運榮鍾九如張志公張政順等所部陸師渡過江中橫沙繞出高城之北以攻維籠山賊壘令水師副將楊政謨法國總兵德克碑由寶塔嶺腳登岸以攻倚城賊壘又令總兵劉清亮率原駐新橋各營出隊牽制賊勢而自率親兵督戰調度已定次日水師戰船分載各營陸勇陸續渡江至維

平浙紀略

卷四

十一

籠山賊見官軍大至齊出拒戰扈照乾徐文秀督隊奮擊攻破第一層賊壘賊以死撐拒照乾中矛傷仍與文秀鼓噪大進余朝貴等繼之撲入第二層賊壘殺賊百餘賊大潰官軍乘勢盡破諸壘卡新橋出千餘賊來援益澄遣徐文秀及丁賢發分兵擊退遂令文秀等就賊舊壘及沿江背水結營以舢板師船護之江中拖罟廣艇大小礮船連放炸彈向城賊大懼楊政謨率水勇德克碑率花勇越嶺而下力攻倚城大壘賊出隊迎敵花勇環放鎗礮自未至酉斃賊不計其數賊殊死戰我軍亦列隊向晚益澄令副將劉清望都司謝茂勝率親

平浙紀略

卷四

十三

兵助之徹夜轟擊賊創甚初八日黎明益澄復率李運榮所部前往親自督戰德克碑益奮迅士百其勇先破一壘賊奔潰不敢入城向新橋而遁又被總兵王月亮都司馬雲標截殺數百遂於已刻克復縣城其時劉清亮已會合高連陞督率各營分攻新橋各壘賊出死黨萬餘拒戰連陞知各路已捷激勵諸軍奮擊立破六壘清亮等亦破五壘各殺賊數百適益澄令徐文秀等繞出新橋長驅並進悉破二十餘壘殺賊不知其數生禽七百餘奪獲輜重旂幟器械馬匹無算跟追二十餘里始還益澄隨令劉清亮等八營駐紮新橋王月亮等兩營駐守富陽餘眾悉隨益澄進薄杭州距城十五里而軍水師各船飛駛東下直向城嶼轟擊賊首陳炳文方拔嘉興聞之馳回守禦左公疏言富陽爲杭城鎖鑰賊負隅死守中外水陸各軍晝夜環攻其苦戰克城則以德克碑楊政謨爲最李運榮等次之入險奪隘則以徐文秀梁雲山張政順余朝貴爲最張志公丁賢發等次之臣敵康國器迅率所部直搗餘杭魏喻義由新城出師夾擊如能一鼓攻下杭城已成孤注則當調國器所部襲取海甯固我浙東之防斷賊退竄之路乃爲周密蓋餘杭在杭之西北海甯在杭之東北並通嘉湖富陽

既克賊勢專倚二城而餘杭距省四十里尤恃爲近接左公先策之自是剽巢燔穴戰勝攻取之形益在掌中矣

左公先策之自是剽巢燔穴戰勝攻取之形益在掌中矣

古

平浙紀略卷五

同治二年八月十六日奉

命督辦軍務閩浙總督兼署浙江巡撫左公既以富陽之克入告擬卽力疾由嚴州前進值賊犯皖南之休夥祁各境雖爲按察使劉典及王開琳等擊退而賊別由績溪歙道嶺欲竄援杭州左公以嚴州爲居中策應要區仍暫留駐分遣各營防守新城分水并令典軍遇賊闖入之路勿遽出嶺而趨蔣益澧進攻杭州益澧請調閩家堰西興各營渡江會剿翼以水師壁壘漸偪清波鳳山兩門別派副將劉清亮率六營助康國器魏喻義等進取餘杭益澧自駐留下相機策應賊僞聽王陳炳文僞歸王鄧光明僞朝將汪海洋等見官軍分道並進於杭州負郭一帶要隘重重堅築壘卡城外繞建木柵並噉餘杭踞賊僞欽王謝天義等併力死守爲犄角之勢自倉前長橋女兒橋老人堰東塘西谿窰埠觀音橋三墩縱至武林門外北新關橫至古蕩連營四十餘里以拒我師二十五日偵知汪賊領黨前赴餘杭益澧卽令高連陞率所部各營進攻十里長街洋將德克碑率花勇同知魏光邠率親兵四哨爲之接應王月亮率所部及閩楚營依山列隊以防清波門一路楊政謨劉連陞羅啟

勇率師船沿江而下黎明水陸各軍俱抵濠邊陸師披
開樁籤水師排放鎗礮賊驚惶失措官軍乘勢湧入立
破街口大壘三四百賊賊馬街後賊數千憑壘據守不
敢出戰我軍亦以進攻路狹未遽深入正相持間城內
出驍賊萬餘高連陞縱令偏近乃揮眾迎戰王月亮等
橫出抄之礮船連環轟擊賊大潰追入第二重卡斃賊
頗多並鎗斃賊中一夷人賊退入城官軍亦收隊還二
十六日益澧令高連陞等節節移營進屯十里長街六
和塔萬松嶺等處先占高地俯瞰城中而自率徐文秀
馬德順赴東嶽廟察看形勢乘賊不意揮軍疾進立破

平浙紀略 卷五

三十斃賊數十餘賊梟水逃去各壘堅踞不出九月初
六日辰刻賊萬餘由雷峰塔及饅頭鳳皇九曜等山
分四路來撲官軍新壘其旂幟之鮮明隊伍之整齊迥
與前異我水陸各軍高連陞王月亮劉連陞楊政謨羅
啟勇等亦分路迎敵賊從對嶺鳴鼓颯旂而下官軍鎗
礮排擊諸將往來馳突噫先鋒賊數十賊卻仍前余朝
貴高有志由江邊繞至高連陞橫出山腳魏光祁劉清
亮實德棧各率所部繼之縱橫激決士氣益厲師船礮
無虛發賊大敗走追奔至饅頭山沿途斬賊三百餘奪
獲旂幟器械無數鄧光明陳炳文自率死黨據險督戰

仍驅賊回撲沿街破屋中伏賊千餘鎗發如雨高連
陞等督眾奮擊王月亮率各營由九曜山萬松嶺一帶
衝殺而出賊勢不支始狂奔入城我軍直追至城邊乃
還初八日益澧令王月亮甯世杰進軍天馬南屏兩山
羅山綱進軍翁家山別派礮船向饅頭山一帶轟擊使
賊不得成列高連陞等出隊衛禦至申各壘遂成賊不
敢偏益澧旋於留下河內搜獲賊小船三十餘艘改造
礮划分布萬春廟楊家橋何母橋梧桐村蔣村各隘日
夜巡防以固餘杭運道十三日賊於楊家橋築一壘益
澧令徐文秀率勇乘夜攻之禽斬百餘賊餘多溺死乘

平浙紀略 卷五

勝過河攻破一小壘又斬賊數十奪獲米船數艘禽賊
言饅頭山之戰偽歸王受傷遁回偽欽王在餘杭亦中
礮死益官軍之攻餘杭康國器由富陽魏喻義由新城
先後移營八月初九日喻義與劉榮合羅大春簡桂林
等分三路前進十一夜我右路連破花牌樓半背嶺栗
樹村諸卡賊望風走併青山老巢十二夜魏喻義由大
路進羅大春等由臨安小路進各破沿途賊卡十餘道
見青山油車頭賊巢燈炬焚斃斫聲不絕喻義急台涉
淺過河分軍半攻付落半攻賊壘賊恃洋鎗礮拒戰我
軍從後掩襲先走其村落之賊巢堅樁密猝不可破喻

義令放炸彈火箭噴筒隨之賊營火起羅大春等繞出壘後夾攻賊驚潰奪獲馬騾數十大礮二十七擡鎗等百餘旂幟器械無算共斃賊數百餘賊竄回縣城青山一帶壘卡悉平我軍陣亡十餘人受傷亦五十餘人旋移營青山漸偏餘杭之西餘城東南尤多賊壘而近城寶塔山文昌閣兩壘形勢最要為我軍所必爭之地十八日劉清亮攻南門賊壘康國器攻寶塔山賊壘康熊飛古捷芳先登吳光亮繼之林珠等左右抄截一鼓而拔卽分軍據壘二十日汪海洋從杭州來援康國器劉清亮合軍擊敗之追至倉前收隊是夜魏喻義約會國器等進兵攻城賊伏不出入其舊城斬敵賊而遺二十一二十二日汪賊仍由倉前過河結壘西島村壘外復為礮臺官軍乘其初築破之賊焚壘遁康國器以旣得寶塔山之險卽可移營北岸斷其水道於是設立浮橋二十六日與劉清亮合攻城南破長沙堰一卡後進攻南門賊壘賊久不出會鄧光明率黨由倉前來援我軍分隊擊敗其前鋒斬十餘賊奪大旂多桿並攻破小歇廟一卡賊退還巢三十日嚮明南門出賊千餘列陣石門橋北門又出數千城倦旂疾趨潛撲官軍之後魏喻義設伏林中並約羅大春賴錫光等嚴陣待之賊至伏

起賊為數段斬敵甚多賊大敗走還追抵城下石門橋之賊亦退九月初七日康國器分所部六營為三遠兩營揮鎗四隊沿河環擊以兩營設伏林內又兩營列隊過大南東武兩橋賊衝約劉清亮分攻南岱門半度橋各壘以緩賊勢自率親兵然大礮直轟文昌閣賊壘自午至申賊死傷不可勝計吳光亮林珠從林內突至壘邊康熊飛亦督隊過河夾攻賊憑石壘施放鎗礮我軍皆越濠拉柵而入盡殲壘賊城中悉銳來援復經擊退我軍亦陣亡十一人受傷七十餘人初十日魏喻義出隊至石門橋賊來戰又敗之是時左公疾新愈而營中疫氣未息聞旂旛賊山甯國竄至昌化之白牛橋及於潛之太陽埠其前竄廣德者復進踞孝豐劉典行抵績溪叢山關偵知賊竄浙境遣七營一平隊入昱嶺關以勒於潛昌化之賊旋又聞湖州賊由武康來援杭州杭賊專待嘉湖之援並資接濟而餘杭實為湖杭要衝與杭州尤結唇齒輔車之勢不克餘杭卽杭州不能合圍蔣益澧一軍僅扼杭州之西面餘杭各營亦祇圍其東南而兼偏其西嶺北路無重兵屯駐兩城之賊往來自若終莫能制其死命而錢江東岸及富陽新城分水桐廬瀘安遂安各隘口皆不得不置兵防守左公憚駐嚴

州所統兵不過千餘有防勦之兵無策應之兵雖局勢漸穩而戎機尙難迅速左公上疏具言之賊復於餘杭東門至杭州倉前長橋女兒橋等處添集驍黨欲由何母橋繞犯餘杭諸軍之後我師擊走之蔣益漙以何母橋太平橋一帶汝港紛歧若少疏防賊必乘隙內竄十月十六日令副將周廷瑞都司王東林於天水橋立一壘參將鄧受福於護國橋立一壘康國器亦令參將古捷芳會勦賊伏不動鄧受福率親兵覘之突遇賊二千餘受福直前搏戰斃賊數十親兵有被賊圍者受福陷陣救之手刃數賊忽賊鎗洞穿右脇而殞王東林帶隊

平清紀事

不

馳賊乃退十七日益漙令劉樹元曹魁甲徐文秀出隊至何母橋遂於方家橋太平橋加築二壘十八日長橋女兒橋之賊來犯復擊退而嘉興等處驍賊數萬新集杭州是日天微明乘大霧迷漫潛由萬松嶺直撲甯軍營張志公憑濠拒之賊偏前丁賢發率所部從山嶺馳下入壘助守約一時許高連陞督率余朝貴張志順等馳至張志公丁賢發出礮奮擊賊少卻洋將德克碑率勇助戰並合淺水輪船放開花大礮轟斃數賊楊政謀劉連陞羅啟勇各率師船擊退沿江之賊登岸衝殺賊見水陸各軍大隊齊至分拒酣鬪兩時我軍愈

奮斃賊數百賊大敗其出清波門者亦被王月亮所部暨閩字營截勦潰回各軍乘勢追殺又斃多賊十一月初五初七日康國器進攻餘杭東門賊壘屢有斬獲時左公已移駐富陽卽於初十日率輕騎馳赴餘杭見縣城依山帶水地勢遼闊東南直達杭州雖爲我軍所扼而北通武康德清西北通安吉孝豐賊聲勢聯絡非厚集兵力盡銳急攻不可爰調富陽朱明亮劉煊揚和費余佩玉等五營分水張聲恆等四營至餘杭會勦而以副將劉明珍率嚴州兩營淳安兩營移屯分水總兵黃少春克勇一軍適由皖南調回亦出分水新城以扼餘

平清紀事

卷五

上

杭之西北十三日令羅大春簡桂林劉榮台賴錫光等由青山進軍丁橋十七日令朱明亮劉煊余佩玉等進軍石門橋並令魏煥義徐文秀各營列隊南門康國器所部各營列隊東門以分賊勢羅大春等三營出西門大路楊昌榕率親兵及楊和貴所部出丁橋小路李耀南黃有功張福齊等繞出西北隅布置甫定城壘及東北門外之賊悉眾來撲官軍分路迎戰西路賊勢較重徐文秀朱明亮與劉清亮等六營馳往夾擊鏖戰良久賊忽分股由左擁上山梁其鋒甚銳賴錫光軍卻楊昌榕及白冠玉等亟從左路峽中突起衝擊賊始駭奔我

軍截殺百餘生禽黃衣白衣賊十餘追近城邊賊阻水各軍蹙之殺傷溺斃甚多又有黃衣賊從村屋衝出李耀南羅大春等左右抄擊賊亦奔東門外之賊復被康國器擊敗各軍共斃賊數百奪獲洋鎗六十餘悍擡鎗烏鎗百數十旂幟刀矛無算二十四日張聲恆齊蘭禮劉端冕楊松林進屯城西北隅楊昌濬督劉榮合賴錫光楊和貴列隊而前蔣益澧率馬步九營從石門橋出西路劉焌等四營繼之黃少春楊詠春率馬步十三營由丁橋並出北路甫成列驍賊萬餘來戰西門之賊亦皆負城壘而陣黃少春等先進蔣益澧楊昌濬各督隊衝入並擊斃先鋒賊數十賊悉銳抵拒官軍三面包之奮呼騰擊賊奪路奔至城北伏屍杭藉鄧光明汪海洋猶麾其死黨苦相拮格益澧策馬陷陣諸軍乘之鄧光明左脅中鎗墜地賊眾昇入城官軍亦以日暮收隊是日自辰至酉戰數十合斬五百餘級傷斃曳屍入城者殆以千數百計奪獲馬匹二十餘洋鎗旂械無算康國器各營攻東門柯棟賊卡破之進攻牛畝太平橋賊壘擊敗倉前拔賊又斬賊百餘賊散頓衰乘夜於城西北脩濬長濠並加築北門外三壘連日鼠伏不出而東北瓶窰鎮及倉前林清暇何家陡門一帶賊益集揚言將

撲官軍營壘而實瑟縮不前左公督攻餘杭半月同富陽大營清理積贖然後進駐東西南三路適中之橫溪頭並議由北路築壘分軍襲取瓶窰絕其側道留楊昌濬暫駐青山而令蔣益澧回留下布置機宜益澧抵營後昌濬連得諜報知因官軍急攻餘杭各路援賊均趨重杭州西北餘杭東北并杭城悍賊亦多出援有自城中逃出者皆言賊將併力以爭餘杭昌濬意賊既趨重餘杭則杭州守禦必疏隨函商益澧乘隙先攻附城各賊壘以忱之益澧以為然十二月朔令提督高連陞洋將德克碑會水陸各軍進攻鳳山門外賊壘視督馬步各隊排列錢塘門外秦亭山樓霞嶺一帶以防城賊之援連陞等數道並進賊紛紛揚旂而出尚未成列諸將大呼陷陣師從而突之賊披靡退入石壘我軍躡蹤急破一壘殲其守賊自辰至午賊望風竄復破九壘直追抵城隍山脚而楊政謨劉連陞等率師船攻江邊石壘亦破之其斃賊二千餘奪獲鎗礮等不可勝計益澧即令高連陞分所部據賊五嶼德克碑據二壘福之唯餘古蕩賊壘及近城兩壘次日各軍力攻仍未能拔益澧令各營分屯錢塘湧金鳳山清波等門直踞饒頭山雷峰塔秦亭山為營圍賊中央而請調橫溪徐文秀等五

營助攻古蕩左公從之並檄衢州鎮總兵劉培元統領錢江水師各營以一號令且令糧道楊昌濬同擊餘杭之賊適益澧亦以書致昌濬言杭城有初一日之捷援餘杭之賊又必回顧杭州可乘機攻取初三日昌濬等各軍分路進攻北門出賊千餘東北門外村屋出賊數千各拒戰黃少春左師先勝縱火焚港邊賊壘並破二卡右師劉明燈等從三里鋪以火器攻壘亦破之魏喻義張聲恆等中路之師與賊大戰踰時我兩路乘勝夾攻賊奪路狂奔追近北門港邊突起黃帽紅衣賊目數人率黨迎拒並驅敗賊回關殊死戰各軍整隊進擊楊

平浙紀略 卷五

十

昌潛督親兵及羅大春甯桂林所部更番鏖戰至數時之久賊復卻劉璚等進攻西北角城壘賊忽分股從旁來抄爲朱明亮余佩玉擊退嗣垂破復完計斃賊數百生禽二十餘奪獲軍械無算而賊先於城東通杭州要道之姚家埭王家廟閘竺堰及太平橋牛畝加築堅壘與倉前聯爲一氣是日康國器令吳光亮康熊飛古捷芳林本丁應龍攻克姚家埭等處四壘進攻牛畝汪海洋率賊來援爲光亮等擊敗其斃賊一千有奇賊愈窮蹙杭賊亦自守不暇初五日水師劉連陞楊政謨羅啟勇梁雲山彭大光等進攻清泰門外觀音堂賊壘分兵

縱燒附城民屋以誘城賊賊果出連陞等擊斬數十賊初六夜賊於錢塘門外偷撲我營羅山綱擊敗之劉培元以西湖一帶多汶港恐有伏賊遂令將榮彩劉仁和等搜數十舢板戰船由閘口過嶺入湖初八日榮彩等擊斃賊百餘奪獲礮船三艘划船十餘歲闌雨雪兩城之賊堅伏連旬我軍亦未進攻二十五日雪霽楊昌濬督諸將及劉清亮等馬步七營進攻餘杭北門康國器督所部進攻東路黃少春由北路繞攻瓶窑魏喻義甯桂林劉榮合等列隊西北以爲策應黎明國器令康熊飛古捷芳吳光亮丁應龍等出賊不意疾超越濠連破

平浙紀略 卷五

十一

四壘賊大股來援國器分軍迎斬賊數百賊復分眾千餘從楊家橋抄截軍後康熊飛林本匹馬安陣各手刃數賊師乘之賊敗潰遂焚楊家橋賊卡我北路之師分而爲三張聲恆等由右攻三里鋪賊壘劉清亮等由中攻北門港邊賊壘賊皆併力死拒朱明亮谷香山劉璚等繞從五聖廟下陡門馳水過河麾兵驟進連破何家陡門五壘殺賊千餘屍橫委積溪水爲之不流是日東北兩路共斃賊二千有奇陣斬關天義李有慶等賊奪獲偽印旗幟鎗礮無算惟瓶窑賊壘負山巖石堅守不出官軍仰攻多爲所傷僅破五卡焚其附壘之屋而

還二十六日各軍復分道進攻劉清亮率五營及蕭邦光廖渭臣等扼其中路時以汪海洋老巢在林清堰會謂不廓清外賊則賊終不可得而下楊昌濬督朱明亮劉璈谷香山余佩玉劉明燈張定元張人和馬雲標等營黃少春率王正德李耀南等營仍由五聖廟分兩路繞越縣城而北直搗林清堰巢穴汪賊負固拒戰我軍自辰至未擊斬賊六七百余佩玉等乘勝深入前隊既動後軍不可復止追至小港偏近賊巢賊復率悍黨抵死回拒相持又時許昌濬立堰上審視見賊阻水為壘汶港縱橫深可滅頂不便衝突願來路陡墮長十五

六里雙港夾之兩岸桑竹陰翳賊易設伏而我難成列壘堅不可猝拔恐日暮為賊所乘乃令徐徐收隊甫過橫港賊果分伏港邊竹林暗放鎗礮壘中賊亦悉銳來撲宋明亮劉璈余佩玉等殿後力戰出險佩玉中敵陣亡將士傷亡共三百餘賊欲邀我歸路南門賊出數百奈萃隆等擊退西門賊出數百羅大春等擊退東路賊出亦為康國器擊斬數十而遁二十七日杭州古蕩壘賊出撲我軍營壘高連陞等擊敗之二十八日楊昌濬及黃少春等復由五聖廟列隊進攻遣輕騎誘賊賊伏不出左公疏言餘杭城非堅峻惟地勢平行而多溝

漚汪海洋於賊酋中最高為狡悍所據林清堰在城北十里又溪流之所環漚進攻路狹此次官軍收隊為賊所乘由臣未詳察地勢趨戰過急非將士職陳之不力也三年正月杭州之師晝夜攻城偵知賊援嘉興二十五日高連陞會合劉連陞水師各營及洋將德克碑所部攻克望江門外三石壘斃賊千餘直逼城下賊礮石如雨仰攻數時始還餘杭諸軍亦迭有斬獲二月十六十八日康國器所部各營均乘夜進攻倉前李家場等處賊壘斃賊近千二十夜左公令各軍環攻城壘炸彈火箭飛墜壘中賊驚擾連且官軍暫憩旋復出隊康國器

令林本吳光亮為前鋒康熊飛古捷芳林珠等繼之游擊蔡盛恩所部截勦倉前援賊賊見官軍馳至率黨數千逆戰林本等督隊衝擊斃賊數十賊前隊方卻後隊湧至熊飛等馳往接戰復斃賊無數乘勢將附近蔣元壩賊卡焚掃一空偽裕王劉賊率黨來援吳光亮等合力奮擊劉賊中礮死並斬黃衣賊十餘賊敗走忽倉前賊由橫渡橋斜抄來援蔡盛恩力戰中鎗落河而亡古捷芳康熊飛等馳救擊斃賊數十陷入賊圍捷芳左右衝突手刃賊目數人亦力竭陣亡正危迫間林珠帶隊突圍殺入康熊飛吳光亮即奮勇殺出賊始潰奔官

軍迫斬數百賊出城援應羅大春劉璈等截殺西門賊百餘楊和貴等截殺南門賊數十賊不得逞懼不知所爲潛將賊中輜重婦女移入城外各壘左公知其將遁令各營嚴裝以待並多鼓軍聲作撲營之勢以擾之並令劉仁和將所部舳舻駛入南湖晝夜轟攻賊益懼先是偽聽王陳炳文於上臘遣其兄陳大桂赴江蘇大營乞降巡撫李公鴻章決其議於左公隨令同知薛時雨伴送大桂來浙乃炳文不俟大桂回報即將杭城謀內應者悉行殺害左公以賊誠款未著徒藉空言爲緩兵之計謂大桂如炳文實投誠應卽獻城散眾以表

平浙紀略 卷五

十四

信迨十七日大桂入城仍無音耗密令蔣益澧相機圍之二十一日益澧令高連陞率四營攻觀音堂賊壘劉清亮五營及水師劉連陞唐學發羅啟勇所部助之周廷瑞徐文秀率湘軍六旅攻占蕩賊壘楚軍一營圍軍兩營助之德克碑發大礮轟攻鳳山門銳兵四哨助之黎明高連陞等進薄觀音堂官軍奮勇齊上一躍過濠羣賊驚竄立破兩壘數十炳文率黨萬餘來援劉清亮劉連陞諸軍踵至益澧督親兵並馬德順馬隊馳往策應敗之時德克碑已轟倒城垣三丈餘益澧調轉大隊赴之守備丁賢發等及洋兵十餘先登賊恃鎗礮力拒

平浙紀略 卷五

十五

我軍受傷百餘高連陞王聯芳俱裹創督攻久乃收隊徐文秀等因古蕩賊壘隔水環攻未下分兵旁攻萬嶺賊由錢塘門趨援蔣榮彩賀國輝邀擊敗之遂破萬嶺二壘賊七百餘各壘之賊望風奔潰曹魁甲胡榮連破古蕩二壘徐文秀周廷瑞及王東林進克武林門外二壘追至十里街而還是日其破十堅壘禽賊言僞侍王李世賢前竄至昌化時聞蘇軍攻立興復由甯國回竄旋聞官軍克復立興溧陽乃竄湖州其竄涇安咸坪一股本圖竄越江西因前股遇浙軍勦截被創亦折回甯國縣翻山竄入湖屬孝豐南鄉饑饉特甚自是各路敗賊始趨集湖州矣二十三日蔣益澧復令徐文秀等四營攻十里街賊壘劉清亮等七營擊武林門投賊劉清亮等三營及將榮彩水師攻錢塘門附城賊壘高連陞率四營會合德克碑進攻鳳山門王月亮率兩營進攻清波門劉連陞謝永祜唐學發羅啟勇布典有等各帶一半水師登岸分攻望江清泰兩門益澧自率親兵馳赴武林門督戰徐文秀周廷瑞王東林賀國輝督隊衝枚疾走比近長街始發號鳴鼓各勇爭先拔取木椿竹箴越濠而進賊伏壘中排放鎗礮我軍被傷數十徐文秀親執小旂冒矢石躍過內濠周廷瑞賀國輝繼之

士之先登者屢上屢蹶文秀亦受矛傷士益憤怒陳炳文復率黨萬餘來援劉清亮王東林等分路截擊席得元以親兵四哨策應賊少卻周廷瑞等攻壘垂破城中又出援賊數千益豐急令謝茂勝陳念親率洋鎗隊偏城門迎擊先出者悉被傷餘賊不敢復出惟炳文力戰不退壘賊恃外援守益堅鏖戰三時殺賊無數而我軍亦傷亡四百餘會大雨驟至官軍嚴陣不動雨止仍攻直至薄暮收隊清波清泰各門賊壘亦因鎗礮稠密未能攻克而賊之精銳盡喪炳文氣沮是夜四更潛啟武林門而竄益豐偵知城柝漸稀人聲鼎沸即令徐文秀

門並遣馬隊跟追沿途又斃賊數百是日黎明餘杭賊酋汪海洋亦啟東門從瓶窰一路竄走羅大春劉榮合簡桂林等各營分路追剿斃賊無數其有逃竄不及者悉被康國器所部截殺遂克餘杭追過東門數里殿後驍賊見官軍逼近拚死回關林本簡桂林四馬衝殺被賊所傷猶裹創力戰賊復敗走羅大春等追至瓶窰杭州之賊亦已竄至與瓶窰踞賊憑壘力拒官軍左公令各營加派隊伍躡蹤緊追而自率親兵繼進賊知大軍踵至即夜棄壘而走次日左公馳抵瓶窰督各營疾驅十八里至安溪關羣峯矗立地勢險峻舊設礮臺禦賊汪賊之守餘杭也以瓶窰扼北路又於此築大石壘障之比由瓶窰竄至分黨半伏壘中半伏林內意俟官軍攻壘即從後抄襲羅大春劉榮合楊和貴朱明亮張聲恆等追近壘邊先將伏賊搜勒殆盡然後攻壘賊乃潰奔我軍攻克關隘奪獲大礮數十尊烏鎗千餘桿旂械無算二十六日張聲恆羅大春等分路出安溪關追剿值曉霧迷漫聲恆率所部五營轉戰而前陷賊伏中傷亡二百餘朱明亮羅大春楊和貴等左右馳援力戰卻之斃賊數百生擒數十奪獲汪賊大旂數十面洋鎗礮械無算其前隊分趨德清武康左公令各營急追竄往

武康之賊令楊昌濬率親兵暫駐瓶窑爲各路策應并令蔣益澧所部攻石門德清以期規復湖州斷賊回竄之路左公疏告捷並言杭州爲全浙根本餘杭又爲杭州西北屏蔽賊首陳炳文汪海洋負隅死守力抗大軍數月以來攻勦殆無虛日茲幸兩城同時克復浙西大局漸可次第肅清此皆仰賴

皇上神威文武諸臣同心協力得以迅奏膚功據報賊酋黃文金李遠繼李世賢等麇聚湖州是湖州爲蘇皖諸賊逋逃淵藪臣自當殫竭心力慎以圖之賊在浙境則圍攻賊出浙境則追勦務將積年逋誅劇寇聚而殲旃

浙紀略

卷五

五

免致流毒完善地方又成不了之局左公以滅賊爲己任灼見先機算無遺策類如此後一一皆踐其言所有迭次攻戰陣亡之副將屢照乾余佩玉參將鄧受福王洪熙張明遠劉質彬古捷芳游擊陳宗說蔡盛恩都司陶晉陞周富棠唐得勝李陞德陳吉進守備邱得勝吳葆光陳宗懿干總李祥林梁貞祥徐再發把總尹其順黃連陞等俱請優卹並請以余佩玉張明遠劉質彬李陞德陳宗懿唐得勝六人入祀湖南昭忠祠又僞比王錢貴仁前曾遣人納款獻城因謀洩而止迨攻克杭城貴仁率黨千餘叩求免死左公以貴仁雖劫於凶威未

能立功贖罪而事前通款尙可貸其一死附奏分別遣留疏入得

旨嘉獎閩浙總督左宗棠加太子少保銜賞穿黃馬褂浙江布政使蔣益澧提督高連陞均賞穿黃馬褂益澧並給雲騎尉世職道員楊昌濬濟康國器朱明亮均加按察使銜國器並以福建道員遇缺簡放總兵王月亮以下同知魏光邴以下文武四十三人敘功賞賚有差杭州初克左公卽傳令申儆各軍嚴禁攜帶婦女搬運器物出城一面設局安撫難民令紳士胡光墉購米賑濟訪明破難婦女家屬所在分別領送三月朔天大風雨左公

浙紀略

卷五

五

拜疏後卽由餘杭入城杭州連年再陷久爲賊踞屋宇僅存鳳山錢塘門內被害尤酷斷瓦頽垣蕞蓬沒路湖山佳勝地腥膻至此一旦洗而清之遺民鳩形菜色次第來歸皆嘖吁歎息以爲不圖復有今日也左公爲之慨然嗣行經滿營追思瑞傑二公之忠勇闔城之義烈躬率僚佐設筵爲文痛哭而奠之一時從祭及旁觀者無不流涕其日天氣陰霾積雲如墨若有萬靈還沓乘風雨而上下者祭後倏然清朗人皆異之浙實奧區負阻易守而難攻兼吳會皖南氛合響應軍從三衢一路宋入重關堅城所在連衡旣不能銜尾橫刀直削巢窟

復不能擊其首尾以潰腹心力戰銳攻勢且棘手賊用
數十倍之眾席百戰之餘畢智彈力以死負固乃左公
提一旅之師轉戰而前不三十日恢復省城豈非長算
勝略而能使之然哉是時附近各城望風款附惟賊聚
湖州滋益多廓清之功尚在異日云

同治三年正月初五日奉

命督辦軍務閣浙總督兼署浙江巡撫左公附奏勦撫事
疏云用兵之道勦撫兼施而實則撫之流弊極多非臨
機應變措置得宜難免事後之悔臣自入浙以來祇行
解散一策而不敢輕議招撫者以此現在杭州城內及
石門德清各賊酋均有求撫之事海甯撫局一成賊中
私相猜貳者更復不少臣以各賊偪聚一方勢實窮蹙
其求降固在意中然事前之詐偽宜防事後之安插不
易惟有分別勦撫相機辦理乃為穩著蓋是時官軍方

急攻杭州餘杭迭獲大捷杭賊欵計未堅又不近投誠
於浙而遽求撫於蘇情事詭異意在緩兵已詳第五卷
中而海甯一州城濱大海雄踞下游為杭垣東北屏蔽
與餘杭遙相鼎峙左公前疏即欲俟皖氛肅清抽回勁
旅分襲海甯以斷杭州左臂偽會王蔡元隆擁眾萬餘
踞守州城致攻杭之師未能北渡浙東之防亦時形喫
重迨將益豐軍薄鳳山清波湧金錢塘等門迴環進攻
聲勢益盛并為規取海甯之計元隆素負其強既而知
事不可為又與杭州賊首陳炳文咀囁乃因前署海甯
營都司王錫馴願率所部獻城乞降益豐商之前甯紹

台道張景渠亟馳赴富陽大營面請於左公左公以元
隆當大軍未至之先望風款附與窮賊始降者有間令
益豐安籌招撫益豐先遣署杭州知府陳思矯署海甯
知州廖安之往覘而自率親兵及副將劉樹元所部及
水師各營於上年十二月十六日馳赴海甯城對江小
駟渡屯駐以俟之先是元隆踞太倉州蘇軍攻之急以
無援納款巡撫李公鴻章遣將受其降元隆出城逐適
賊援大至元隆復變甫交言伏戎驟起幾為所害刃拂
馬尾而免軍士先入城者四百餘人皆死以故滋欲審
其虛實益豐知安之膽略可任請於左公俾牧海甯遣

本浙紀略卷六

二

之西渡二十四日安之與錫馴及都司蔣益賢擊賊並
入直遣元隆偽府元隆盛陳兵衛遂巡未即出安之乃
促元隆並集賊目於庭大言曰若輩皆

朝廷赤子今大軍來攻城必旦夕破所以許若歸誠者憫玉

石俱焚耳脫復游移將貽後悔如欲用太倉故智者可

斷吾首毋徒事鬼賊也賊眾大駭既而皆頓首曰我等

懷疑亦恐既降不免耳今性命一繫公於是元隆隨安

之錫馴渡江見益豐叩首泣陳謂幼木讀書粗知禮義

咸豐四年賊陷岳州被裹脅年甫十六勢難自拔茲幸

覩大軍哀懇出貸俾得復爲

盛世良民死且不朽益豐察其情詞懇切即宣布

皇仁爲更名元吉令回城將所部賊黨一律薙髮並呈繳儀

印器械二十七日官軍入城元吉率黨羅拜馬前歡聲

雷動益豐選其精壯列爲元字八營即令元吉管帶駐

城外聽調遣立功贖罪餘均資遣回籍元吉請捐給八

營兩月口糧及遣散之資其眾皆悅是時海甯城內有

劉樹元楊應龍等營分布防守外有張景渠葉炳忠等

營錯綜控制人心亦定左公疏言臣初欲襲取海甯固

我浙東之防斷賊退竄之路茲餘杭未復海甯先下杭

州賊勢更孤從此東北兩面漸可合圍於大局實有裨

本浙紀略卷六

三

益固非始願所及蔡元吉雖久陷賊中而自拔來歸不

煩兵力請援照洪容海古隆賢投誠成案賞給四品翎

頂以示激厲已革署甯紹台道張景渠上年克復鎮海

甯波餘姚紹興各城此次防守西興一帶隨同蔣益豐

辦理招撫均著微勞請免留營差遣並請將王錫馴

開復都司廖安之賞換花翎得

旨俞允蔣益豐以桐鄉距海甯州僅三十餘里爲杭州通嘉

興問道必先攻下此城始可分取嘉興石門等處正月

初二日令蔡元吉乘夜襲之元吉突至即梯城而上爲

桐鄉賊酋僞朝將何培章開擊拒傷百餘人未能立克

次日分屯西南兩門益禮復令直隸州知州李邦達都司謝茂勝率親兵六哨與張景渠葉炳忠所部馳往分屯東北兩門培章見官軍雲集乃遣人通款於都司張其光初六日單騎赴景渠營中乞降率眾雜髮獻城並呈繳軍械益禮以其情詞非詐而可省我兵力受之給以旂幟號衣初八日官軍整隊入城選其精壯列爲章字六營責令管帶立功贖罪遣見左公培章自請捐給己營三月口糧並以雙橋烏鎮爲浙西往來要道願率眾駐守左公皆許之嗣杭賊運糧嘉興行經雙橋爲培章所敗偷道遂斷風來攻撲皆被擊退湖州賊酋僞塔

平浙紀事 卷六

四

王黃文金僞輔王楊輔清僞佑王李遠繼僞戴王黃呈忠等見兩城就撫復扼拆衝要率黨數萬來犯攻我新降之卒冀緩嘉興之圍益禮遣同知楊道洽馳往援勒並令葉炳忠四營蔡元吉八營由嘉興回駐桐鄉二月初七日後賊自陡疊架浮橋潛渡爲蔡元吉擊退復糾合大股自烏鎮嶺頭鎮三里街陡疊雙橋等處連營數十里直撲桐鄉西門元吉馳禦之斬賊甚多十五日會合楊道洽分路進攻嶺頭鎮三里街賊壘張景渠亦遣張其光陳紹助勒元吉督眾力戰手受鎗傷筋骨俱斷勇氣彌厲諸軍乘之賊敗走遂踏平十餘壘斃賊二千

餘生禽百餘十六日李遠繼黃呈忠等賊乘官軍築壘未成復率黨萬餘來撲元字副營軍功楊嘉玉破創士傷傷五十餘勢危甚元吉與李邦達楊道洽馳援鏖戰三時賊猶不退元吉乃率親兵從深林繞出賊後縱火焚之賊陣始亂道洽揮眾夾擊追斬三百餘淹斃四百餘奪獲旗械無算十七十八日元吉等力攻陡疊賊壘克之十九日進攻烏鎮賊壘先是蔣益禮既受桐鄉之降令劉樹元所部移駐嘉興東門外會杭州知府陳忠矯遣人招嘉郡守賊僞榮王廖發受出降發受因與降將蔡元吉有隙不果從既而蘇軍圍攻甚急乃乞援於

平浙紀事 卷六

五

湖州守賊黃文金許以重賂願存城屬之文金悉厥赴援而扼於烏鎮烏鎮者素爲何培章所轄其降眾水陸七營分駐四柵中有大石壘三自居之黃文金既恨培章降我又慮截其歸路於是築壘柵外銳銳圍攻培章亦畏文金驍勇悉力扼守日多死傷恐不支請益禮率重兵馳援不暇往乃貽書劉樹元激勵之樹元奮自任卽於正月二十六日進屯烏鎮之中石壘偏閱四柵見西南兩面尤要二十八日出隊前往補築上壘並分軍備賊文金果嗾賊僞樂王等十八僞王合力猛撲土壘左右兩石壘降眾併潰賊遂層層圍裹我軍相持至日

暮亦突圍出游擊尹長青陣亡樹元且戰且退沿河無
 船過片板乘之士皆晷水乃得渡四鼓還入石壘固守
 並分軍助守旁兩壘賊環鎮合圍二十餘日更番來攻
 所轟大礮輒炸裂復分黨進犯桐鄉雙橋皆敗時嘉興
 垂克賊卒不敢棄烏鎮往救迨二月十八日蘇軍復嘉
 興黃文金驚懼即夜退回湖州嗾偽樂王來圍烏鎮火
 光達旦十九日黎明我軍見賊列隊如舊而旂幟前後
 係易知其更換齊開三壘大謀乘之偽樂王疑官軍因
 援至內應駭而俱奔適蔡元吉等亦至合隊跟追斃賊
 三百生禽百餘賊向高橋萬年橋等處竄回左公不輕
 議招撫既撫之後即委任不疑蔣公益澧亦胸懷坦廓
 前此蔡元吉來見推赤心待之賜酒食引臥帳中或有
 以岑彭費禕事諫者弗聽元吉聞之感泣他酋亦然每
 屏人問策畫不設防維故皆能得其死力焉官軍既克
 杭州餘杭賊分竄武康德清武康於湖屬為瘠區土田
 民戶不及中縣之半大縣三之一夙彫敝然欲安固杭
 州必遠戍皖南近備四安安吉以及武康今賊尙踞武
 康德清其為湖州屏蔽一日不克則旦夕可伺杭州之
 便而湖州之守益堅石門介在杭嘉之間亦慮其從後
 牽制左公欲先取三城以圖湖郡乃令楊昌濬督各營

由瓶窑安溪關進規武康令蔣益澧分軍進規石門德
 清並令知府李耀南副將劉明燈等馬步七營出孝豐
 武康之間截勦竄賊二月二十八日李耀南等破陣頭
 賊卡楊昌濬破上陌賊卡進攻武康先是賊目吳開俊
 遣人通款於總兵羅大春約為內應昌濬以武康雖無
 城垣而賊憑水阻二大石壘甚不可力拔令大春曉
 以禍福率軍先進而副將余萃隆簡桂林等營並駐上
 陌偪之時陳炳文汪海洋及侍輔首戴利來各賊酋咸
 萃德清眾尚十餘萬然皆潰敗之餘露而不整一日賊
 驚三月朔道員張聲恆夜令滿建桂挑降人趨捷者二
 十餘潛入放火燒一賊營數處賊館賊喧擾達旦初二
 初三日紛紛由德清西渡以援武康大春率親兵并礮
 船百餘巡至黃洞橋與援賊遇即將浮橋折斷賊不得
 過急令各營乘夜分伏武康城邊用火器攻擊賊賊大
 震會賊目楊芸桂等遣人至大春營申內應之約初四
 日大春及楊和貴余萃隆簡桂林等即率眾薄城環攻
 楊昌濬與劉榮合朱明亮洪玉連等繼之賊首吳海勝
 猶憑卡抗拒正轟擊間降人楊芸桂李文林向安邦李
 秀明彭玉桂金權衡等開門延納官軍海勝棄卡逃竄
 遂克武康羅大春等分兵追勦抵三橋埠適德清援賊

大至海勝驅眾回關官軍扼橋拒戰斃賊數百賊悉敗走楊昌濬入城見其彫殘特甚於是下令軍士無犯民間秋毫無意拊循遺黎稍得蘇息並待降人以誠選其壯士為數營卽令楊芸桂統帶餘悉遣散後攻湖郡其戰亦最力云當克復武康之日高連陞王月亮兩軍方進駐德清上七舖偵知陳汪二賊將遁李賊為殿初五日連陞率騎數十先抵城邊見賊正開西門而竄卽策馬衝入街巷破屋伏賊忽起先竄之賊折回併拒連陞及余朝貴等突圍殺出隨招各營分路進擊鏖戰自辰至未賊始棄城逃奔高連陞王月亮等督隊追勦斃賊

浙江紀略

卷六

九

數百生禽七十三奪獲大小船數十旂械無算遂克德清是日並收復石門先是石門踞賊偽歸王鄧光明於上年十一月二十四日由杭州趨救餘杭為官軍所敗擡檣洞中左脇死而復蘇昇歸石門蔣益豐既收海甯桐鄉遣人招降光明請侯杭嘉克後就撫然創甚伏處不能再戰及益豐令李邦達蔡元吉率師進逼石門仍遣人覘之光明伏枕涕泣立遣其黨開城出降而身赴杭州待罪因言久已蓄意投誠因為陳炳文所逼不能猝脫並言咸豐十一年杭州城陷時曾以禮收斂王巡撫張學政載棺送至上海并衛送林福祥等求其代陳

浙江紀略

卷六

九

款志左公初以其不早歸誠而必待恢復杭嘉之後嚴詰之光明叩頭流血願照蔡元吉何培章所請前驅效力贖罪左公見光明左手已廢縱力屈始降殺之不武乃奏免死選其驍黨分為數營責令隨大軍進規湖郡全浙各郡縣以次蕩平惟湖州府屬縣接壤皖疆遙與金陵響應各路敗賊並集或竄或踞又煩兵力矣其先竄德清偽利王偽來王兩賊繞出武康之西欲竄孝豐李耀南劉明燈聶邦光張人和廖涓臣亦於初五日由鐘頭出隊截勦賊急竄向遞鋪正追殺間陳炳文繼至聶邦光橫突其陣斃賊數百奪獲騾馬十餘賊大潰利賊率眾回援劉明燈張人和廖涓臣等從後夾擊又斃賊數百遂棄械狂奔我軍追殺無算拔出難民數千賊迭次被創眾心渙散陳炳文等議守湖州及官軍逼近李遠繼又欲由安吉以竄甯國謀無適從高連陞等謀知之乘其紛亂於初八日進兵距湖州尚數十里遇賊大隊擁至縱兵奮擊斃賊數千燒船千餘賊望風潰竄其前竄孝豐一股復繞從千秋關太陽埠竄至昌化縣境左公疏言臣前因江皖羣賊圍聚湖州卽慮奕犯上游亟撥分水新城嚴州遂安各處守軍嚴防並調康國器張聲恆兩軍赴臨安截勦今賊既悉由廣德孝豐上

竄嚴遂之防尤爲緊要臣又加派劉清亮各營由新城
以赴嚴州唐學發彭大光兩營水師於桐嚴一帶巡防
賊裏糧而趨斷難持久若前路各軍力扼奔衝後而各
軍躡蹤猛擊或可聚而殲旃卽有漏網他竄臣亦當督
飭各軍出境追勦務期全數肅清以紓
聖慮蓋其深思遠慮皆燭先幾宜賊之卒殄也

同治三年三月奉

命督辦軍務閩浙總督兼署浙江巡撫左公既克復武康德
清石門三縣賊皆上竄惟偽堵王黃文金偽佑王李遠
繼偽輔王楊輔清堅踞湖州如故左公乃令布政使蔣
益澧進攻湖州督糧道楊昌濟進駐武康而命駐守嚴
州淳安各軍相機截勦初九初十日賊之竄至昌化者
漸趨績谿十一日副將劉明珍由分水前赴昌化會同
鄉團截其後隊禽斬甚眾奪獲旂幟刀矛驛馬無算十
二日明珍追至白牛橋偽侍王李世賢等繞由昌化十

都過老竹嶺竄向績溪而去復由開道走歙西之岩寺
篁墩以竄屯溪其陳炳文汪海洋等賊均走水南村分
路向南源口深渡過河以折人浙境十五日徑趨小川
欲分犯淳安遂安二縣十七日駐防遂安總兵王開琳
令王福昌一軍嚴守雪嶺黃蔚嶺自率親兵及翼隆貴
羅瑞山喻勝榮三營由黃蔚村舉嶺進了長勝康榮諸
莫坤和三營及水師礮船由威坪街口沿河直上行近
小川賊出隊來撲羅瑞山喻勝榮匹馬衝鋒賊爲披靡
退據石橋官軍乘勢急進衝過橋北丁長勝莫坤和各
率隊繼至師船遙於河中排礮轟擊賊數百賊敗走

一向深渡一向小川裏山而遁開琳糜兵逐北約七八里賊復回拒羅瑞山莫坤和等沿山圍剿賊始大敗爭向山谷狂奔自相踐踏而死者不計其數其向深渡逃竄之賊爲龔隆貴等截殺殆盡餘賊悉敗竄屯溪是役也殺賊二千有奇生禽五百有奇踏斃溺斃者倍之其湖州一路自初八日高連陞進剿獲勝後羣賊皆退聚菱湖東林山茅山青山脩築堅壘附城二三十里皆有賊營且與長興四安互相聯絡左公令劉連陞水師赴德清高連陞王月亮蔡元吉各軍由德清進規湖州西南劉樹元何培章各軍由石門進規湖州東南十三十

本浙紀略

卷七

二

四日劉連陞羅啟勇等各率師船進攻菱湖破賊一卡蔡元吉復率軍進駐靈山高連陞王月亮進駐埭溪二十二日湖賊分路來撲連陞月亮營壘復潛竄格舍圍襲我後路俱爲我軍擊敗劉連陞等旋將菱湖東林山要隘攻克蔡元吉卽進屯荻港賊見官軍漸備調集城中悍賊數萬悉趨東南路力圖抗拒五月初十日出抄蔡元吉營後且分撲長生橋各營元吉督軍堅壁不動相持竟日賊不得逞至夜賊冒官軍旂幟出小港欲劫我營元吉偵知密令洋鎗隊二百人分伏於桑林待賊撲近突起轟之斃賊數百比曉賊復出大股隔河而陣

我軍迎敵以阻水未能痛剿左公以賊勢既趨重此路蔡元吉所部兵力尙單令蔣益澧分撥師船且調都司湯葆元飛划一營前往助剿十四日賊大股腐至元吉督隊奮擊相持至晡賊卽偪長橋亭子橋而營時總兵劉樹元以元吉各營苦戰連日待援孔亟乃率所部及洋將實德稜花勇馳往策應劉連陞亦率水師各營移駐菱湖東林山下昂一帶以壯聲援十六日劉連陞各營由荻港進發蔡元吉劉樹元督同陸軍助之賊憑河抗拒我師未能猝拔十七十八日賊又於亭子橋增築兩壘蔣益澧令高連陞加撥丁賢發錢桂仁兩營復調

本浙紀略

卷七

三

知府楊道洽一營馳往助剿二十日賊又撲元吉營壘環攻五時均被擊走羣賊益憤日暮遂分七路來犯並以大礮向長生橋營轟轟勢甚凶悍元吉令各營鎮靜以待約會水師各營憑河扼守自率親兵馳赴長生橋力戰卻之是夜密令營官楊成棟誘禽僞軍政司樂興等六賊斬之賊知元吉各營有備不可攻復乘虛襲我菱湖後路劉連陞率副將蔣榮彩參將梁雲山等師船力堵高連陞又命高有志洋鎗隊助之二十四日賊全股來犯劉連陞乘勝追擊賊退而復前殊死戰鎗子賊爲少卻劉連陞乘勝追擊賊退而復前殊死戰鎗子

如雨我軍傷亡百餘人正相持間高有志率洋鎗隊抄出賊後楊道洽亦率所部至自餘杭賊見援軍大集駭而奔二十九日袁家滙賊目李得芳來蔡元吉營中乞降元吉許之三十日親赴袁家滙欲督同降人出其不意攻取未降各壘楊輔清覺其有異卽率悍賊來爭元吉麾眾分路截殺羣賊潰竄遂將袁家滙賊壘一律焚燬收降眾七百回營方楊輔清之并攻東南路也黃文金復分大股由太湖塘楊濃以向軋村糞撲犯林墟何培英各營之後牽掣我師五月初九日賊大股來撲劉樹元令培英馳往截擊而日率所部繞出軋村兜剿賊

平浙紀略

卷七

四

方欲架浮橋渡河培英乘其半渡擊之斃賊二十餘斃水死者無算追至軋村樹元亦至兩路夾擊賊勢不支紛向太湖塘楊濃竄去嗣官軍百計誘戰賊鼠伏不出樹元見太湖塘之賊暫無動作南潯一路已有蘇軍屯駐而蔡元吉各營連日攻剿賊未大挫遂率所部及花勇馳援乃賊復由太湖塘繞出林墟後路之陸家灣以拒蘇軍不時分賊至林墟左右擄掠二十四日樹元令何培英進剿賊負嵎如故培英分兵抄出賊後夾擊破其一卡乘勝督隊猛攻樹元亦馳往接應立破賊壘三餘賊棄之而竄我軍逐北數里將太湖塘楊濃賊壘一

律踞平二十七日復分攻晟舍賊壘鏖戰三時破其一卡而還餘賊悉退四安梅溪其地本爲賊踞遂與之合楊昌濬以四安梅溪賊勢方熾慮必上竄自率各營由牌頭進桐嶺扼之令知府劉焄副將劉端冕谷香山等三營周廷瑞等六營由黃湖進白水灣直搗孝豐六月初三日劉焄等乘夜潛師踰嶺以進黎明抵孝豐城下賊猶未覺瞥見官軍突至卽伏堦內施放鎗礮軍士多受創谷香山劉端冕躍過重濠揮軍直入劉焄督隊繼之哨長吳德華首由南門梯城而上立斬賊坪天義潘和周廷瑞督各營亦由東門攻入營官李有慶立斬僞

平浙紀略

卷七

五

天將洪恩妨賊大亂紛紛奪路而逃卽將孝豐縣城克復時初四日午刻也周廷瑞劉焄兵追擊遙見羣賊擁一賊騎馬狂奔激急率所部躡蹤追至城北十五里皈山場外委李必得以矛刺之洛馬生禽以歸餘賊四散訊之乃僞咸王陳榮也是役也斃賊千餘生禽長髮老賊二百餘拔出難民婦女五六百奪獲騾馬百數十云時安吉廣德尙爲賊踞楊昌濬方攻安吉安吉一城當皖浙之交居萬山中其險阻倍於孝豐爲湖賊必爭之地而梅溪四安踞賊亦有數萬與廣德安吉互相聯絡我軍攻安吉則梅溪四安廣德之賊來援腹背受

敵其時長興已爲蘇軍攻克左公謀之蘇撫請檄長興之軍分攻四安以掣其勢密令楊昌濬如安吉一時不能驟下或先攻梅溪搗其要脅庶湖州安吉之賊勢分收功較易十八日楊昌濬攻其東南兩門周廷瑞攻其西北兩門昌濬所部銜枚疾進抵城下天未曙各軍拔去濠外籬簽梯城而上及城堦賊始覺出死力以拒我鎗礮雨下參將朱尊賢攻破東門橋卡登其礮臺手斬悍賊三忽中洋礮陣亡都司陳壽照亦受重創總兵羅大春道員朱明亮麾軍猛攻逾時迄未得手其蔡元吉一軍由袁家滙進駐東埠黃文金見元吉懸軍深入糾集羣賊於是月初八日後迭次攻撲元吉營壘均擊走之初十日又分入股繞出思溪雙福橋築壘以截我軍餉道元吉力攻之不克劉連陞彭大光蔣榮彩湯葆元李錦堂各率水師楊道治率陸師來援惟地多汊港兩岸桑林翁翳我軍前進賊以鎗划船數百四出抄襲且林中設伏以洋鎗轟擊我不及備頗多傷亡蔣益澧令知府李邦達督鄧光明各營由東林山馳赴菱湖會合劉連陞水師進剿思溪劉樹元何培英等由林墟進剿長超山并調劉清亮一軍由分水駐埭頭以厚兵力益澧親赴菱湖督剿邦達先於十六日令鄧光明分三營

屯孫家橋分一營屯鳳凰橋距雙福橋僅八里賊乘划船數百蜂擁來撲光明令各營一面築壘一面迎敵賊舍舟登陸猛撲五次均爲我軍擊退十九日益澧抵菱湖二十一日即會合諸軍而前令李邦達鄧光明各營攻思溪以楊道治之洋鎗隊劉連陞之師船繼之高連陞率所部攻雙福橋黃鎮湘率內河師船扼荻港而約駐守南潯之蘇軍會合張景渠各營攻展舍劉樹元率何培英各營攻重兆以掣賊勢是日黎明各軍分路齊進益澧率親兵先抵思溪即令鄧光明各營渡河分攻賊壘賊從桑林突出光明督隊奮擊賊敗走我軍乘勢進攻賊伏牆施礮軍上蛇伏而進拔去椿箴一鼓而上壘已垂破忽有賊從左右樹林抄出鄧光明急撤隊迎敵賊亦出壘來撲光明奮勇衝殺賊爲披靡會劉連陞彭大光師船駛近思溪賊以飛划抗拒火箭突入船中霎時煙燄飛騰人心騖亂各船回救爲賊所乘方危急間楊道治李邦達二軍馳至益澧亦麾親兵策應賊始敗遁其進攻雙福橋重兆展舍各軍亦未得手二十二日水陸各軍合攻雙福橋賊負隅不出二十三二十四日益澧令鄧光明楊道治於思溪傍水成壘護以水師二十五日令光明爲第一隊劉清亮爲第二隊高連陞

爲第三隊益澧自率親兵爲第四隊更番迭戰賊初不
動相持至未申之交黃文金率賊數萬來犯益澧飛馬
直前與高連陞等併力鏖戰洋鎗連環轟擊賊敗走時
已薄暮正欲收軍賊復大股衝出蔣益澧高連陞仍匹
馬陷陣諸將士無不鼓勇衝殺一以當百立斬大旗悍
賊十餘賊乃潰退是日血戰六時殺賊無算而官軍之
傷亾者百數十人參將翁桂秋營官周大受俱被重創
益澧戰馬亦幾爲鎗子所洞時洋將德克碑以官軍無
日不戰未能取勝願率所部洋鎗隊及淺水輪船來助
二十七日益澧攻思溪令高連陞德克碑攻雙福橋劉

平浙紀略 卷七

樹元攻晟舍三路齊進德克碑以開花礮攻雙福橋賊
壘竟不得破益澧因令高連陞於思溪雙福橋之間立
一營鄧光明於雙福橋河邊增一營而馬雲標則軍於
大河沙州以防賊船自後抄襲其地距蔡元吉營止隔
一河因對岸賊營環列未之能達賊聞東埠各營歷二
十餘日元吉晝夜戰守迄無休息糧亦垂盡左公調副
將徐文秀游擊王東林水師總兵楊政謨馳救之七月
初二日益澧於思溪雙福橋之間架浮橋三道以通元
吉營接濟會徐文秀王東林兩軍馳至益澧卽令劉清
亮李邦達楊道洽鄧光明各率所部攻思溪徐文秀王

東林等繼之劉樹元何培英四營及洋將賈德稜花勇
攻重兆雙福橋益澧自率親兵及高連陞李運策陳武
職賀國輝李世祥馬雲標等分兩隊嚴陣以待命洋將
德克碑率所部沿河助戰令淺水輪船泊於河汊以開
花礮對思溪八角亭賊壘轟擊各軍並乘竹筏而渡甫
至中流賊壘鎗礮齊發軍多受傷蔣榮彩彭開壽仍奮
勇前進各軍復於對岸開巨礮助之我軍離岸三丈許
賊鎗礮愈密軍士傷亾愈多蔣榮彩彭開壽及陸軍營
官李世祥均被重創益澧復用飛划渡德克碑花勇及
李運策一營過河偪岸攻擊花勇先進遇賊伏而卻其

平浙紀略 卷七

札

攻思溪賊壘之劉清亮等亦收隊而還生禽賊首是役
也黃文金親來決戰亦爲洋鎗子傷其左肩悍賊約斃
數百而受傷者則不可數計云益澧以思溪雙福橋勢
難力攻欲由袁家滙荻港出湖蚨漾以達長超山製其
後路初六日高連陞率賀國輝王東林席得元陳念親
等進屯荻港之中洲徐文秀軍雙堂子初七日益澧親
至荻港督戰時高連陞賀國輝王東林已率陸軍進薄
賊之前壘楊政謨劉連陞各率師船會勦賊憑卡死拒
不出高連陞令各軍士佯作疲憊狀誘之賊突出遇伏
大潰我軍齊進將壘賊殲除殆盡當陸軍鏖戰時賊船

齊出一擊卽退劉連陞率師船逐之伏賊在桑林中暗放洋鎗子貫連陞右額我軍少卻益澧合湘軍師船泊荻港護之賊忽以鎗划載悍賊各執洋鎗由支港抄出我師船之後勢將不支益澧疾率大隊由南岸馳至賊乃駭遁初八日益澧調洋將德克碑日意格淺水輪船赴荻港會勦高連陞賀國輝王東林等亦至荻港是日申酉之交會同向前衝殺輪船亦開巨礮賊不及備我軍已拔箴越濠而入壘中悍賊斬斃殆盡餘賊多溺斃遂將荻港三賊壘攻克是夜有賊酋譚世友鍾大旺率長龍舢板船十艘向蔣益澧軍前乞降十一日益澧親

浙紀略 卷七

督徐文秀謝茂勝乘師船四十艘由荻港繞出太湖察看地勢賊乘鎗划數十飛駛而來爲洋鎗擊退我軍遂乘勝入湖蚨漾分立三營并花勇駐守以湘軍師船護之台揚政謨師船進泊八角亭以德克碑日意格輪船佐之十三日政謨會同日意格由荻港河中以開花礮轟攻袁家滙賊壘益澧督師船由湖蚨漾與之對攻高連陞王東林李運榮陳念親由荻港渡河進擊袁家滙街旁賊館梁雲山黃鎮湘率師船分扼湖尾支港官軍三路齊進百礮交轟羣賊伏壘不出我軍環攻三時賊壘轟裂大半斃賊無數蔡元吉見賊勢趨重袁家滙一

浙紀略 卷七

北

路令五百人隨游擊楊應龍由思溪突圍而出將至河邊賊從左右層層抄截應龍奮勇衝殺手刃數賊力竭陣亡營官楊成棟向得勝亦同歿於陣僅衝出百餘人益澧恐賊知元吉一軍虛實聞益急乃令各營竟夜力攻袁家滙以擊賊勢自率親兵及楊道治所部馳往雙福橋長生橋一帶策應是夜元吉竟自東埠馳水三道衝出重圍同出不及千人饑疲無人色自云營中馬粟已盡而煮食桑樹皮者且六七日矣士卒感大軍援救雖餓不能起無一願附賊者其伏匿草間及積屍之下賊退而歸伍者復四百餘人是日蘇軍及張景渠等亦將屍舍賊營攻克斃賊千餘賊見元吉已出屍舍之壘又破意氣沮喪十六夜思溪雙福橋之賊紛紛退竄劉清亮劉樹元李邦達於是夜各率所部潛坐划船過河大呼殺入刀斫矛刺斃賊近千其落水溺死者不計其數將賊數十營一律踏毀劉清亮李邦達鄧光明等遂移屯亭子橋進攻長起山踞賊高連陞等各營會同德克碑仍攻袁家滙左公疏言湖州地勢守易攻難逆賊東踞長起山昇山袁家滙西踞楊家莊梅溪溪四安安吉北踞廣德南扼妙喜和平兩鎮以爲犄角賊勢雖賊而地險人眾難以偏圍現在蘇軍之距城最近者爲大錢

湖口之水陸各營浙軍之最近者爲東路日月山各營此外皆相距二三十里十餘里也蘇軍自克晟舍後北路西路日事鏖戰李鴻章毅然以攻取廣德州爲己任尤爲制賊要著大局既合長圍之勢已成賊雖暫肆鴟張檻獸釜魚遲速有必滅之理而察看機局一時尚未能就緒掠金陵逃出難民及投誠之賊目等首言僞幼主洪福瑱於六月二十一日由東壩逃至廣德二十六日黃文金迎入湖州府城因初二日之戰懼而仍避至廣德文金遣其弟文英護之各處賊館預備乾糧似有急竄之意蘇浙兩軍自湖城北面進東及東南一帶水陸合成長圍尙無罅漏惟西路山嶺複峻路徑紛歧地勢遼濶又安吉一城尙稽克復其比連之甯國縣並無防兵倘賊竄甚速誠恐防不及防必致蔓延他方又成不了之局幸江西賊勢已衰臣軍之拔江者除劉典一軍跟蹤追剿外其王德榜王開琳兩軍可就近調赴婺源馬金一帶與浙師聯絡其黃少春一軍及劉明燈劉明珍各營現駐常山江山邊隘可移至嚴州相機分撥備迎頭攔剿之用如能仰仗

天威全股蕩平東南全局底定臣自當會同江蘇撫臣馳報若僅收復湖州一城各營當卽躡蹤緊追不准居以爲

平浙紀略

卷七

三

功也自官軍進徧日月山亭子橋東埠長超山麓後二十五日湖州城南門守賊僞天將陳學明率千餘眾來降二十六日踞長超山之僞天將陳賊及姚賊劉賊以所轄三壘之眾來降是日日月山守將劉樹元會同蘇軍猛攻昇山賊壘拔之蔣益澧令高連陞督同蔡元吉等進駐湖州西南妙喜鎮卽進攻長超山袁家酒賊壘賊初以死抵拒瞥見湖城火光燭天遂棄壘而竄時東路劉樹元何培英各營已進八里店蘇軍道員潘鼎新亦率所部來會勦賊竄至湖州未進城賊已急啟西門而遁劉樹元潘鼎新當先入城益澧適遇竄賊多有禽斬遂與劉清亮李邦達張拱渠等先後馳至分門而入搜斬城中尾賊數千遂於二十七日巳刻將湖州府城克復其西門竄出之賊高連陞與之遇斬殺二千有奇益澧卽率各營追之焚賊船數百二十八日黎明追至梅溪賊已連夜棄船登岸而逸爲蘇軍及總兵羅大春截殺尾賊千數奪獲賊船尤多拔出難民無數僞穰王黃紹忠率黨四百餘詣大春軍前乞降餘賊分三路竄走僞堵王黃文金一股由梅溪徑趨廣德約十餘萬賊僞佑王李遠繼一股由安吉以出孝豐別分一大股由四安竄廣德約四萬餘賊益澧令元吉培英兩軍

平浙紀略

卷七

三

暫駐梅溪自率親兵及高連陞徐文秀賀國輝王東林鄧光明所部各營向四安一路追勦三十日抵四安竄賊先爲蘇軍截殺殲斃甚多後股則已竄往廣德矣途次遇難民來言黃文金於二十八日到廣卽夜挾僞幼主由甯國縣昌化績溪一路逃竄黃文英及僞忠王子由甯國府向涇縣祁門一路逃竄蘇浙兩省官軍或躡蹤猛追或橫腰攔截殺賊不下萬餘溺斃及自相踐踏死者不可勝數其逃散之賊或三四千爲一隊或一二千爲一隊或數百爲一隊或數十爲一隊見官軍至輒跪伏道旁泣求免死陸續遺散者又不下數萬云其楊

浙紀略 卷七

十四

昌濬進規安吉一軍於七月二十四日會同周廷瑞各營分路而進火箭噴筒進射入城附城椿箠拔去大半北門橋邊木柵亦毀自夷至午轟攻五時城賊大震二十八夜急向孝豐一路逃逸會湖州大股亦竄至昌濬令羅大春率所部赴梅溪截勦朱明亮楊和貴各營出安吉南路會同周廷瑞一軍兜勦是夜大雨傾盆河流暴漲前隊之賊甫竄孝豐後隊尚未及渡各軍追至殺賊無算降賊七八千奪獲賊馬千餘騎昌濬追至孝豐賊正撲城因督隊奮擊守城之劉政谷香山劉端冕亦各率所部而出會勦賊卽退竄官軍乘勝滅之陣燹僞

駙馬徐勳及僞夫將朝將等賊酋數十斬馘千餘級生禽數百赴水死者數千解散尤眾奪獲輜重馬騾洋鎗不可勝數賊向山谷奪路狂奔其已過河者悉向甯國縣千秋關一路竄走官軍追殺二十餘里又斬斃溺斃無算僞朝將王召福率黨千餘迎降三十日楊昌濬復率劉政谷香山劉端冕及朱明亮馬隊疾趨白馬村賊且戰且退我軍追殺至章村賊無路可竄憑河死拒我軍衝殺過河鎗礮齊施聲震山谷賊不能支翻山越嶺而遁官軍追七十里至孔夫關賊人馬擁塞多自相踐踏而死我軍復於兩旁緣山而進縱橫痛擊賊四散奔

浙紀略 卷七

十五

竄我軍追至甯國縣之七都突遇龍游悍賊千餘騎賊數百黃衣賊目三四蜂擁而來哨長彭練州甘大有彭榮華劉春熙大呼奮擊立斃黃衣騎賊大敗走是日殺斃溺斃及墜崖死者千餘生禽二千有奇拔出難民五六十奪獲騾馬鎗礮無算并獲僞佑王大小僞印及各賊酋僞印一二百顆八月初一日劉政谷游擊唐湘遠帶隊出孔夫關追擊有尾賊向千秋關一路逃竄又殺其數百收降千餘解散數千李遠繼僅帶數十賊逃往廣德卽由廣德與洪福瑱及黃文金黃文英分路上竄山甯國墩千秋關黃花關以出昌化白牛橋僞王

譚體元偽樂王之子莫桂先偽首王范賊等由甯國縣胡樂司山羊坑以出高安威坪約同竄徽八月初三日分水守將劉光明率所部迎勦白牛橋之賊未分勝負副將崔大成參將盧本堂等由分水麻家埠馳至奮力接戰禽斬數十賊賊始敗退初五日劉光明等復進剿賊方向昱嶺關十都一帶竄逸各營追擊斃賊不少羅大春聞黃文金後隊復至白牛橋由臨安於潛兼程疾進初七日追至白蛇嶺及之營官楊芸桂躍馬而前大呼奮擊賊以死回拒劉榮合劉光明崔大成等先後馳至夾擊賊大敗悉向昱嶺逃竄官軍乘勢追殺斃賊不

浙紀略

卷七

可數計傳言黃文金於數日前在甯國縣之七都受創甚重行至白牛橋而死羣賊推倒民屋三棟燬之其弟黃文英代領其眾踉蹌西行其譚體元等竄至黃石潭距威坪五十里劉明燈聞賊竄昌化卽率所部馳赴威坪截擊黃少春抵嚴州後亦令道員李耀南副將周紹濂等馳赴威坪初七日賊至蜀口距威坪五里許賊尙三萬餘連營二十里是夜有賊數千圍由上河灘頭涉淺偷渡爲官軍所覺擊而退黃少春復令張福齊李夏平馳往截勦自率中營繼之初八日黎明周紹濂等由河上嶺出蜀口之右張福齊等由均上出蜀口之左

浙紀略

卷七

李耀南劉明燈等出蜀口之中水師唐連勝亦率師船沿河排礮轟擊賊始猶抗拒我軍數路齊進縱橫痛擊立斃悍賊數百賊隊大亂我軍乘勢斫殺又斃賊千餘追至洪橋頭譚體元麾眾憑橋力戰官軍中路與之相持左右兩路從旁抄出賊後賊方驚顧中路乘勢衝殺過橋黃少春復督中營及楊芳桂馬隊馳至分道縱擊銳不可當羣賊辟易紛紛奪路狂奔體元脫所著繡龍馬褂騎黑馬而逃官軍追及斬之並獲其馬是役也偽樂王之子莫桂先偽朝將廖豈才賈天義賀永燾賊天義劉明德燭天侯趙思誠玗天侯曹得勝珍天侯許標

七

安而上嚴備之初十日文英率悍賊自蜀口四嶺蜂擁而來分撲我軍營壘而李遠繼一股由蜀口之左衝出偽王宗黃賊一股由洪橋頭衝出少春卽令彭俊光劉明燈等分扼上下灘李耀南周紹濂等憑壘轟擊劉昌選所部與楊芳桂馬隊排列灘上約會黃元吉羅順成於街口後山列隊以壯聲勢文英率悍賊自上灘爭渡我軍隔河環施鎗礮游擊張培基率師船扼灘奮擊斃賊二百餘其圍由河上嶺郭村竄越者亦爲水陸兩軍擊退時劉明燈率所部三營溫處道魏喻義率所部一營馳至卷旗蛇行而李耀南周紹濂皆出壘衝殺劉明

平浙紀略

卷七

五

燈率親兵梟水過河各路同時猛擊賊勢不支紛紛敗北文英手刃退後賊挺身督戰楊芳桂伍先申禽生賊詢知騎黑馬微鬚者僞昭王黃文英也遂各麾隊衝入賊陣游擊盧華勝外委孔行斌斬文英於馬下我軍四而蹙之斃賊數千生禽長髮老賊數百奪獲騾馬鎗礮旗幟刀矛無算追至淇橋頭始收隊賊之由廣德上竄也本無定向其併股而犯威坪者方欲乘虛而入而不知黃少春劉明燈明珍諸軍之由衢嚴突至先到數時也賊既不敢由威坪下竄仍踞唐村黃金嶺一帶十四日味爽黃少春令周紹濂張福齋黃元吉羅順成各營

西上以固微防而自率各軍分路進剿縱橫盪決塵戰逾時賊卽潰退我軍乘勢追殺陣斬及墜崖死者約五六千賊生禽千餘拔出難民萬餘遂將黃金嶺唐村洪橋頭洪池等處五十餘里賊卡全行掃蕩追至歙瀆交界之門嶺而還十五夜賊由歙境大洲源繞出建口涉淺而渡渡未及半各營馳至分灘扼堵唐連勝師船往來轟擊賊不得濟劉明燈張福齋周紹濂等從上灘過河繞出賊後李耀南等從下灘過河兩路夾擊賊大敗會皖南鎮總兵唐義訓所部亦由歙南深渡馳至各軍四面兜剿賊無路可奔陣斬僞列王邱國文等賊目數

平浙紀略

卷七

五

十生禽僞列王黃吉建及僞天將朝將等賊日二十餘其餘禽斬近萬向劉明燈張福齋黃元吉等馬前伏地乞降者五千餘人向唐連勝營中乞降者千餘人賊首范汝增身被數鎗落馬從賊屏之去不知生死官軍獲其馬而歸餘賊由績溪翻山遠遁其先由建口渡河者十七日踰雪嶺竄至遂安之章村郭村黃少春亦於是日馳抵遂安十七都十八日卽率各營進剿賊由東亭村中衝出我軍分路迎敵游擊彭俊光賀潤蘭彭在上首先陷陣俊光身受矛傷伍先申李良平張介和復衝殺而入賊潰走官軍追過郭村賊翻山向昏口遁去遂

遇馬復震伍正得兩軍鏖戰四時殺賊無算官軍亦傷
亾百餘人少春方撥隊策應賊已奪路向遂安十六都
而竄偽列王蕭雅泗劉得義等率偽天將朝將百餘人
羣賊二萬餘赴黃少春軍前乞降少春受之李遠繼自
甯國敗竄後餘黨無多及聞劉得義等投誠霎時鬩散
遠繼隻身遁走其隨洪福瑛者不過萬賊皆黃文金兄
弟敗殘之餘能戰者止數千而已王開琳王德榜聞賊
徧遂安即各率所部由婺源馳赴開化華埠截剿十九
日劉明珍抵馬金街即令參將黃本富游擊張成元等
分路出昏口截擊敗之賊繞竄開化七都村頭二十日

平浙紀略

卷七

五

明珍率各營追至三路縱擊焚賊無算陣斬偽享王劉
裕鳴偽天將謝元美李有才偽朝將李世華甯天義柯
林等賊目數十而賊之前隊已由二三都闖入開化縣
城以一股拒追軍以一股向華埠玉山七都球竄去明
珍急率各營進勦黃少春亦令楊芳桂馬隊馳至二十
一日合軍齊抵開化城下賊匿不出明珍偽退誘之賊
悉眾來撲甫近山邊伏兵突起賊駭而奔官軍乘勢追
殺俘斬多賊是日王德榜一軍由婺源馳至黃夜會合
明珍所部各營分路進擊賊不能支向華埠一路竄逸
王開琳令丁長勝羅瑞山郭德馨康榮詔四營於是日

午刻馳抵開化白渡截之賊適從開化來官軍嚴陣以
待賊衝突數次羅瑞山手刃騎馬數賊康榮詔復以鎗
礮轟擊斃賊不少賊無路可逸是夜偽天將汪仁和等
率黨數千赴梁詔營乞降二十二日王開琳王德榜劉
明珍等追至華埠賊悉由小路走七都球明珍馳赴常
山出草坪開古城截之開琳德榜等躡蹤而進未刻行
近七都球誦賊後股尙屯村內即麾軍衝入賊猶各執
洋鎗拒戰相持兩時我軍大隊齊進縱橫疊決擊斃賊
賊數百賊勢大潰一向玉山一向江山而遁德榜等分
路逐北沿途斬賊不計其數是日明珍馳抵常山預令

平浙紀略

卷七

五

張成元設伏草坪待之二十三日大甫明賊果大隊擁
至官軍突出奮擊賊即退竄黃本富頗長復從後邀截
賊知不可脫仍拚死向前衝突正鏖戰間明珍亦至橫
貫賊陣截而為兩前股竄江山邊界後股賊酋偽方王
早王等均被官軍擊斃餘黨數千偽天將胡元興熊開
玉陳高勝陣左祥等率之伏地請降明珍受之仍令黃
本富等趨江山新塘截剿賊將由江山西鄉繞竄石門
峽口二十四日王德榜亦馳至與黃本富夾擊賊望風
而潰是夜有偽天將方福泰及詹福隆陸義泛李金星
劉三元丁天福各賊目率黨數千赴德榜軍前乞降二

十五日黎明前隊賊訶知率眾回殺遇總兵蕭得龍副將戴奉聘所部馳至迎擊德榜復令王德權何秀清黎榮等分路齊進得龍奉聘陣禽生賊詢之騎馬黃衣二賊一爲洪福瑱之堂兄洪元珍一爲僞王宗李金信因卽馳馬衝入賊陣斬之餘賊驚潰盡趨廣豐當德榜一軍馳抵新塘時賊之別股已竄廣豐五都街王開琳抵玉山後卽於二十四夜乘月色微明令各軍銜枚疾進行近五都遇大股賊擁洪福瑱逃竄我軍分左右兩路抄襲賊以洋鎗對擊軍士多受傷都司謝吉祥力戰陣亡丁長勝羅瑞山等麾隊奮擊四面賊之斃賊二百餘

平浙紀略

卷七

七

幾萬福瑱爲賊拚死潰圍疾走官軍急追二十餘里至二十五日午刻始收隊賊卽由廣豐鉛山一路逸去於是浙江全省肅清昔趙景賢之守湖州也且數載糧盡援絕而後亡及賊踞之亦兩三年猝不得拔守易而攻難蓋莫過於湖矣其地北濱太湖東南則汊港紛岐桑林稠密西南則山嶺復峻轉饒維艱故列代取吳興皆由太湖廣德長興進兵以地勢順而糧道便也浙師東西南三面節節進攻數月未能蕪事實地勢有以限之幸蘇撫李公分軍先取四安長興因自西北路滾營而進逆賊四面受敵不攻自破乃得成功一則不存畛域

之見一則不明嫉忌之心和衷濟美二公有焉黃文金兄弟既就戮李士貴亦就禽著名賊酋蓋已十殲八九其逸出而遁誅者惟洪福瑱及李世賢李遠繼汪海洋輩三四賊耳自後竄江竄閩竄粵江甯之軍旣不遑顧蘇亦僅分軍一援閩而已獨賴我浙躡蹤追勦勞師遠征卒聚而殲之五嶺之外惟我左公實結粵匪之局此又天下之所莫與爭功者也今將克復湖州安吉兩城及追賊至清安開化肅清全浙之顛末備著於篇而蘇軍戰事則別見於第十卷云

平浙紀略

卷七

七

平浙紀略卷七

平浙紀略卷八

同治元年八月二十日奉

命督辦軍務浙江巡撫左公附奏處州府城已於七月十九日收復經慶端著齡奏報閩軍入浙至是幾一載矣蓋自上年八月賊偽忠王李秀成率眾二十餘萬從江西犯浙二十一日糾合湖坊大股陷常山即分路下竄龍游踞賊復竄至安仁街一帶為夾攻衢州之計九月初二日圍城城中守兵多老弱餉又不繼貸之民間月給人于錢城外火光周圍數十里旌旂如雲從西而來者數日不絕晝夜環攻勢危甚督辦防務衢州鎮總兵李

平浙紀略

卷八

十

定太守衢州鎮總兵崇志署金衢嚴道江九康候補道蘇式敬衢州知府吳文生署西安知縣丁壽宸等嬰城固守間出軍擊之力據外勦水師礮船回環轟禦守備董興仁陣亡前後其斃賊數百並將三百斤以下各礮運置城外木柵之內平對賊營賊覺之遂於初八日解圍東走並復常山浙閩總督慶端具疏奏捷時道員李元度安越軍八千人總兵林文察募勇二千人先後抵衢上下游水陸道梗賊方雄踞金嚴席卷浙東遂於十七日竄踞處郡屬縣唯慶元獨完賊氛蔓延一氣而溫屬平陽縣城為金錢會匪所據頗猖獗慶公奉

命於十二月二日馳抵建甯府城調度軍事以全浙橫潰非

厚集勁旅分路進兵勢必為賊牽制乃令總兵曾玉明續募臺勇記名道張銓慶選募江西勇力籌各軍餉需月至三十餘萬欲俟總兵曾玉明到後由溫處分路進勦請調鮑超與李元度共解杭州之圍並申請左公軍赴援當是時杭州已陷唯溫衢二郡尙城守湖州未知存亡江常數縣僅存江山亦通浦城雖衛防兵力較厚而溫處建甯福甯兩府犬牙相錯邊防孔棘非援浙即無以全閩故閩軍於左公入浙之後得專力溫處焉十二月十三日慶公奏言賊踞雲和不特溫州眉睫之憂

平浙紀略

卷八

二

抑亦閩省肘腋之患同治元年上令進駐浦城以杜賊竄鉛山而固浙軍後路二月初八日又奏云遂昌踞賊添集二二三萬眾欲由龍泉抄出松溪竄犯閩境處州松陽之賊亦紛紛上竄各路軍情同時喫緊綜計兵力衢防有李定太所部七千餘人又撫臣駐軍開化勁旅八千餘人足為聲援江山常山已派署布政司李元度安越軍八千扼紮並令參將薛師儀等所部閩兵一千五百在峽口一帶駐守浦城一路先經派令護總兵閩長齡游擊劉紹基等節節防守惟江浦毘連處所山路紛岐不敷分布又添募壯勇三千餘令

署游擊祝善銓等帶赴協防而龍泉松政三路僅有總兵林文察署浙江按察使張銓慶等所部四千餘人參將楊三益同知揭垂謙七百餘人實形單薄松政稍有疏失則水路可達建甯陸路可趨福甯不但慮擾閩省完善之區並恐由建陽崇安旁竄江西截我浙軍後路現檄候補同知趙均添募興化槍勇一千並催曾元福所募臺勇三千星飛來營擬看何路緊要調赴應援軍情朝夕變遷臣親部不滿二千已難策應各路若遽移浦城則調度未能靈捷諜知台賊將犯溫州總兵秦如虎雖率部前往而餉緝兵少當此大敵當前必須嚴陣以張吾軍力勦以遏賊敵如能挫其凶鋒方可分路進取先是正月二十日賊陷青川秦如虎前隊於二十九日馳抵溫州賊已至界牌嶺距城八十里都司李世進等禦之而敗三十日賊眾數萬直撲郡城如虎令守備馬雲標等出東門拒賊相持未決李世進等揮軍夾擊殺賊千餘賊敗走我軍追殺二十餘里而還二月初一夜賊復糾合大股三面環攻初二日如虎令馬雲標等縱城出擊城上連開大礮革職道員張啟煊令千總陳連福生員張鎮樞等分帶團勇截殺其斃賊數百初五日城中悉眾出戰又敗之賊退屯四十里初九日遂昌

本浙紀略 卷八

五

本浙紀略 卷八

四

民團克復縣城賊悉下竄松陽之賊竄慶雲和延及景甯黃巖之賊又竄擾樂清之大荆溫州勢愈岌岌慶公調閩安協副將吳鴻源師船二十艘赴溫援物於十七日拜疏後即馳駐浦城先一日青田之賊竄踞瑞安白沙嶺擾及河上橋等處民團迎擊獲勝旋被賊團抄生員孫貽穀陣亡十八日張啟煊親督所部並添調民團馳抵瑞安秦如虎亦派千總賴正倫領漳州兵五百赴援十九日啟煊先令張啟德等率領民團分路堵剿並令游擊李世雄扼駐牛皮嶺二十日啟煊整隊前進行抵陶山隘口賊數以馬隊衝撲不得入隘相持稍懈游擊陳光彩等會合民團兩路迎剿斃賊數十遂奔二十一日進攻再捷賊退回青田景甯知縣管書勳督率民兵連日攻擊竄擾之賊遂昌泰順各紳團馳助二月十九日併力擊退殺賊三百餘其竄雲和之賊亦敗去紆溫州一面之警固閩省北路之防而溫處各屬團練敵愾同仇深明大義歷佐官軍殺賊茲復衰耄越境助剿慶公疏稱其功是時處州踞賊分屯碧湖與大港頭連營負阻三月初九日林文察密遣參將林文明都司陳慶善把總林廷棟等分軍夜襲大港頭賊營出不意拔之斬滅數百賊竄併碧湖初十日張銓慶獲賊軍師千

得喜於龍泉戮之以其僞稱團紳募勇將爲內應也銓慶令副將袁良巡哨至松陽二十四日遇賊雞鳴山擊斬數十級團紳李祥松等亦頗有斬獲是日林文察偵知賊分踞遂昌之饒頭嶺石練大柘等處搜山焚擄民團共起攻之二十五日賊竄至潘村及遂昌縣城糾合松陽一股眾至四五萬文察督軍進駐石練賊僞侍王李世賢既屢敗於江山之新塘欲竄廣豐不得聞閩軍偏遂昌悉眾十餘萬來援將襲我軍之後文察偵知之二十九日令林文明陳慶善等伏於大柘之大廟千總陳兆熊等伏於石練之後山守備方國恩等伏於石練之前山把總謝朝典等伏於百步嶺賊分三路而來我大廟石練後山百步嶺諸軍奮出奮擊文察督方國恩等分路接應其斃賊千餘賊敗竄文察慮其功營分隊設伏是夜賊果至文察令教諭陳經等冒賊旗幟於村口暗招之賊爭先擁入伏兵四起賊自相踐踏斃數百禽騎馬賊四十餘人奪獲驛馬七十餘旗械無算拔出難民千餘賊敗退文察遣屯大柘賊別股竄偏王村口張銓慶撥隊扼堵文察遣千總賴安邦等分帶台勇通判許鎮等調集民團馳赴夾擊其潘村踞賊眾二萬餘四月初二日文察令林文明陳慶善等攻之行抵排

前賊來拒戰而敗追至潘村賊棄營走我軍直抵遂昌破柵而入斃賊數千是日賴安邦等亦合攻賊於王村口賊皆遁回松陽老巢初九日銓慶亦令副將袁良進勦松陽踞賊民團前驅薄三又口賊壘斃賊二十餘先是偵知龍游松陽各賊下竄慶公恐其窺伺溫州卽令秦如虎預籌防勦三月二十一日守備陳登三率閩省師船會守備張文德等所部礮艇駛至樂清縣境之館頭轟斃數十賊二十五日秦如虎親督師船駛抵磐石開礮縱擊斃賊無數正欲進攻適大股賊由處州樂清竄至溫州之韓埠瞿溪並分股圖犯瑞安四月初二日如虎令陳登三蕭邦佑等師船駛赴韓埠自率部伍馳赴瞿溪賊阻河列陣如虎督軍進勦擊斬頗多賊退走蕭邦佑等水師遇賊於小荆登岸擊之亦有斬獲初四日賊仍山崖撲犯郡城溫處道支方廉等登陴嚴守如虎軍次太平嶺下距城五里賊已屯踞萬餘署游擊黃誠清守備馬雲標把總胡榮革職知縣高樑材署永嘉知縣陳寶善等分路抄擊如虎令守備侯定貴先登各軍俱奮短兵相接斃賊數十胡榮衝入賊陣手刃二人受矛傷裒創力戰賊敗退我軍越嶺跟追復斬賊八十餘張啟焯率部進屯瑞安之河頭偵知賊在潘橋

是日令游擊陳元彩賴得福等進剿火器環攻遂破賊壘賊敗走啟煊督軍繼進其斃賊二百餘千總陳聯福陣亡初六日賊眾二萬回竄潘橋斷任橋之賊亦同時來犯我軍力戰四時之久殺賊數百賊乃退回慶公以溫州濱海環山水陸錯雜為閩北藩籬賊不得志於衢必將盡力於溫為窺犯閩疆之計今由台處分竄溫郡瑞安之賊眾至數萬秦如虎張啟煊所部兵力尚單雖迭有禽斬而賊氛環迫眾寡懸殊飛檄游擊李朝安所募臺勇一千五百馳赴瑞安歸張啟煊統帶並分調各營兵勇疾趨福甯交道員曾憲德調遣援應復由閩安

抽撥師船駛赴溫港助剿而令溫州師船分駛瑞安江面堵截以杜賊蹤竄越平陽賊撲溫州雖經秦如虎擊退仍踞羅溪初八日復益眾數千進撲西門三角門如虎督率馬雲標胡榮等出擊相持自辰至未把總姜玉麟邱廷標陣亡賊亦斃十餘而退張啟煊扼駐桐嶺十二日賊分五路來犯啟煊督軍力禦賊聚愈多游擊賴得福中礮死營陷啟煊突圍退守瑞安秦如虎分隊馳援溫州餉道中梗城外二十里賊營星羅棋布城內糧乏亦待援甚急慶公檄催前調各營及李朝安一營星夜前進並抽撥曾元福所部臺勇一千三百人令游擊

白瑛管帶問道馳往仍暫留曾玉明督各軍暨守備邱光立所募永春壯勇六百人赴溫援剿疏言賊犯溫郡踞太平瀆任橋崔溪一帶牽制兵力以大股回撲瑞安與平陽僅隔一江迫近福甯避實擊虛賊之慣技恐其沿江偷渡徑襲平陽以窺閩疆當檄秦如虎分軍出擊力保郡城而令道員曾憲德張啟煊激勸民團合力夾擊先解瑞安之圍十四日賊由太平瀆來犯郡城并據小船偽作農民欲襲我南門營盤如虎督軍出三角門令守備陳子貴侯定貴等分隊迎戰斬賊數十馬雲標由西門抄出山後截擊胡榮蘇沈二小船賊並敗退先

一日賊馬隊進逼瑞安大隊旋至布陣圍攻自桐嶺至西山數十里徧樹旂幟迺秦如虎派援之賴正脩率漳州軍五百馳至張啟煊督率城中文武登陣固守開大礮擊斃賊數十民團應募來援者共二萬餘人復有二萬人分守河鄉等處要隘賊見兵團大集即解圍去十五日由慈湖嶺竄擾柯鄉廖國寶等率團堵禦啟煊遣軍策應殺賊數十奪獲旂械甚多賊敗還仍踞港鄉北岸程頭等處時縉雲青田樂清三縣先後報克復先是縉雲踞賊於三月二十七日四出撲犯均被民團擊退二十八日民團分隊設伏賊至隘口伏起前後夾擊斃

賊甚多縉雲知縣周士英密邀各團於四月初一二日進攻壺鎮賊巢斃賊三千餘乘勝攻城初十日縉雲訓導吳大治等督團直搗南門分抄東門從北門斬關而入遂克縣城餘賊竄走復被西鄉民團截殺無數青田踞賊前經溫處道支方廉檄令團紳何東泮帶礮船駛赴攻物知縣吳兆祥等召集西柘溪團勇並聯絡各鄉民團訂期合攻秦如虎令忠毅全軍及侯定貴胡榮帶隊扼駐瞿溪蕭邦佑率長龍礮船進擊四月初九日吳兆祥等行抵水南遇賊敗之俄而兵團四集分門圍攻三晝夜何東泮與守備陶元鼎外委屈連陞督水師擊

平浙紀略 卷八

九

擊至十二日黎明我軍由東門梯城而上賊開西門竄去遂復青田署樂清知縣孫家丞號召民團攻勦樂清踞賊武生周倫光等進屯竹嶼四月十六夜黃殿敗賊千餘奄至周倫光等截殺數百餘眾竄併入城總兵秦如虎溫處道支方廉署溫州知府黃維誥等派兵勇助戰守備陳子貴統帶師船陸營並進署溫州鎮總兵葉炳忠督軍由管頭一帶進擊孫家丞令下河鄉團葉品金等招募壯勇千人船四十艘合東西兩鄉民團攻城賊踞黃花關阻我進師之路十八日葉品金及李高魁等乘夜率團駕船駛至黃花關江口十九日清晨登岸

轟開關外木柵一擁而入先克黃花關維時各路兵團齊集樂清協副將陸爾善知縣孫家丞典史宋霖等分路進攻四面合圍賊眾驚潰開門奪路而走遂克樂清我軍追殺無算二十日警石寨城居民約為內應廩生陳廷揚率團會合官軍進攻斬獲數十賊并克警石而松陽亦連獲大捷慶公先以松陽接壤金華賊大股屯踞意在遙應金蘭而近衛處郡巢穴若將松陽攻拔則各路賊勢漸孤而龍泉門戶亦固乃令林文察迅圖進取復令曾元福進扼遂昌以為策應賊聚於松陽者分五股號十餘萬且將遂昌龍泉雲和進兵要路掘斷拒

平浙紀略 卷八

十

守甚堅文察遣林文明營於松陽之界首四月十六日偵知舊市有賊營二十餘於村口擁眾數千列陣相向我軍出隊擊斃二十餘賊是日袁良一軍在松陽之南岱與民團夾擊殺賊百餘民團乘勢縱焚西北兩路賊寨賊竄至洋澳馬埠與舊市賊壘犄角二十日文察令民團導路賊先從馬埠繞出民團奮勇前驅師從之殺賊數十賊敗退二十二日林文明從徑路襲馬埠賊迎戰逾時擊斃執旗及騎馬賊二十三賊退踞橫岡二十三日二十四日林文明力攻洋澳馬埠踞賊殺傷無算踏毀賊壘十七賊於舊市添築營壘二十五日文察約

袁良由南路進兵並調民團助戰曾元福領隊會勦林文明率把總林廷棟李有福等以一隊誘敵三隊伏於舊市之右山賊眾數萬擁出林廷棟率隊轉戰林文明等伏兵突起鎗無虛發文察率軍衝殺陣斬黃衣騎馬賊十紅衣騎馬賊三十三其斃賊三四千悉毀各壘賊向松陽縣城逃竄曾元福從徑路截殺復斃賊數百二十六日文察等分路進剿正欲乘勝攻城忽宣平援賊應至慮抄我軍之後乃收隊還營時謀報松陽踞賊由南路七赤進撲雲和景甯張銓慶精選所部遣將扼防七赤並令雲景民團嚴爲之備又偵知溫州瑞安賊聚

平浙紀略 卷八

十一

日多李世賢已竄入溫界前據瑞安之賊自兩次勦收後分踞桐嶺及澄頭上港金角山等處茶木爲陣謀竄平陽張啟煊率眾沿江扼守守備陳登三帶閩省紅單長龍師船代理瑞安協副將黃載清率礮艇巡駛飛雲江上下並防賊偷渡四月十七日賊竄亭頭一帶陳登三督軍截擊斃賊數十是時瑞安湖石等處民團爲賊所敗傷亡甚眾文童吳國熙楊茂功戰死旋復整集秦如虎令馬雲標率四百人往援十九二十二十一等日金角山之賊從大樹埭馬嶼等處渡江張啟煊黃載清陳登三等與鄉團水陸堵擊賊半渡沈一船燒燬數

船南岸之賊兜殺溺斃殆盡北岸之賊勢蹙逃奔河鄉民團連日禦賊斬首三十餘級二十二日賊分股犯溫州仍撲西門三角門秦如虎督隊出戰斬賊三十餘二十四夜桐嶺賊突撲瑞安二十五日黃載清等由北門出擊民團由西路應援均有斬獲是日金角山賊四十餘船乘潮南渡適曾憲德派援之知縣徐承禧一軍馳抵平陽代理平陽知縣蘇金策紳士岳桂山等率團抵禦賊船復由上游偷渡徐承禧疾趨扼之擊沈三船斃賊數十賊敗還二十六日賊分一股出橫山撲瑞安之西門一股出高岡洋襲北門勢甚張千總賴正脩張光

平浙紀略 卷八

十二

榮等各督兵團由西門迎擊黃載清及都司孫純良守備賴忠腹等各率所部由東門出隊夾攻又令千總葉崇慶在籍江蘇知縣沈煥瀾等帶兵團由南北兩門殺出賊馬步前突我軍鏖戰數時互有殺傷外委陳鵬揚陣亡黃載清衝入賊陣手刃數賊賊始卻西路之賊爲兵團三面圍殺無算追奔數里賊逃至雙山脚復被師船轟斃數十二十八日賊分五路來撲我軍鎗礮環擊賊多死傷猶復猛進梟水過河冒矢石相踵築城而上均被守陣兵勇擊斃黃載清賴正脩賴忠腹分出東西北三門迎勦陳登三率師船沿江轟擊並分隊登岸助

戰河鄉民團二萬餘人又從東路山後圍攻賊大敗四
竄我軍分路追殺伏屍枕藉拋棄旂幟器械無算五月
初四日副將吳鴻源率師船駛入飛雲江偵知金角山
賊復謀渡竄北岸初六日鴻源令陳登三等分駕師船
張啟煊合游擊陳允彩等分帶勇艇合軍進剿賊蟻聚
江干開礮拒戰我軍轟斃賊數十奮勇登岸又擊斬數
百陸岸溺斃者不計其數初七日鴻源等水陸各軍進
攻瑞安廿四五都之賊知縣黃宗貴令河鄉民團截堵
桐嶺我軍由三都嶺直搗巢穴水師登岸助剿賊驚潰
卽由陶山遁往青田徐承禧一軍扼駐平陽之垵坑初

平浙紀略

卷八

七

八日會合李朝安燬賊浮橋乘勝渡江多所斬獲初九
日承禧朝安等復率所部渡江甫近北岸五六千賊擁
至承禧等揮軍奮擊斬賊目五賊眾三十餘賊敗走還
巢我軍分路進攻忽有大股援賊從山後衝出承禧等
分軍擊敗之併力攻破賊巢追殺十餘里斃賊四百餘
生禽三十六並燒燬沿江賊寨數十而溫州亦以初七
日破走瞿溪任橋踞賊包澳團紳徐鎮南等四路兜剿
生禽七賊秦如虎率隊夾擊遂北三十餘里民團奮勇
窮追賊竄至青田之九都白巖等處會合各處敗賊縱
火焚掠於十三日竄陷景甯十四日陷雲和均與閩省

接壤慶公飛檄戒嚴并令張銓慶督率龍泉慶元兩縣
集團堵禦調回松陽白垵一軍由龍泉進剿以固闔防
其松陽一路大捷之後援賊由湯溪武義終繹而來屯
踞舊市附近各村林文察督軍由上源口截擊曾元福
由塔坪夾攻陳慶善等由舊市中路進剿署處州知府
李澍等調集民團分兩路扼堵賊伏不出文察等伴作
收隊之勢各壘出二萬餘賊分路來抄蜂擁包裹我軍
奮擊民團助之大戰逾時賊陣披靡紛紛擲械退竄我
軍追殺四五里踏平賊壘二十餘斃賊千餘生禽二十
餘十六日文察親督各營設伏曾元福令所部偽作民

平浙紀略

卷八

丙

團誘賊出戰伏軍驟起斃賊數百山後援賊突至外委
曾登貴擊斃紅衣賊目二各軍分隊迎擊斃賊二百餘
賊敗竄各壘出賊四五千來援我軍連環開放烏鎗復
斃數百生禽九賊餘眾奪路奔回臺勇亦陣亡三人傷
四十餘人其金角山賊寨前經張啟煊吳鴻源水陸會
攻破之殺賊數千賊奔回青田並分股竄擾小港頭爲
團紳王言等截擊折入瑞安大柘屯聚十二日啟煊分
調軍團兜剿斃賊二百餘陸溺死者甚眾其竄景甯之
賊知縣管書勳督民團三千餘人進攻秦順民團數千
復越境助剿於十六日收復縣治竄雲和之賊十五日

出犯龍泉張鈐慶令從九品奎燕等擊退復遣軍馳赴雲和於十六十七日在局村甯海洋等處勦賊獲勝十九日雲和知縣柯沆率民團收復縣治賊竄麗水之大港頭青田九都白巖之賊復擾及泰順團練委員林用霖與教諭沈應奎分守南向等處率團迎擊賊聞風退走截殺二百餘亦竄回大岙李朝安遣千總施渠英馳往湖石堵禦徐承禧由平陽坑出軍賊之大隊已渡湖石而來施渠英率眾赴援敗之與承禧乘勝追奔對岸山後伏賊四起圍包承禧受矛傷而退馬嶼防勇亦潰賊進犯平陽張啟煊親率軍團手刃潰勇三人令賴忠腹等督隊進勦浦門巡檢鮑復康帶勇策應陣斬賊三百餘賊奔平陽坑二十一日賊悉眾來撲營壘啟煊集團萬餘並督賴忠腹李朝安各軍迎勦三戰三捷斃賊無數啟煊揮軍逐北陳允彩等以輕艇載擊徐承禧由平陽坑扼殺斃賊近千生禽五百餘奪獲偽印四旂械千餘餘賊斃水而逃其未淹斃者亦被截殺此股賊數千由金角山分竄平陽越江深入勢極披猖至是殲焉慶公以捷聞分檄秦如虎張啟煊由青田泰順進兵白瑛及都司楊鳳元等各軍由景甯雲和進兵以規處州白瑛從七赤拔隊行次小順壘與賊遇敗之六月初十

日進至石塘分兩路夾攻賊總民團渡河來助賊奔雙港軍團乘勢追殺斃賊數百並將雙港賊壘踏平林文察先因連日大雨未能出隊會天霽慶公檄革職道員廖士彥由衢州進駐遂昌為文察後援促令迅攻松陽松陽賊酋喇天豫彭宏財扮天豫藍玉發林天豫梁梯率黨二萬餘分紮三大壘其踞舊市者為偽主將譚體元枕天豫李三里等賊糾黨四萬餘分紮五大壘踞葉川者為聚天福張泳受晉天義劉連榜等賊糾黨二萬餘分紮兩大壘各翼以小壘數十又於宣平屯賊數萬以為援應連營百餘里負固七十餘日屢攻未下賊既深滿高壘久踞松陽勢必乘隙蹈虛為窺閩之計且恐旁擾龍遂竄越江山牽制楚軍後路是松陽一隅關係大局我軍奮力相攻賊亦全力相拒林文察等所部臺灣兵勇精熟用鎗發必洞中實為閩軍之冠而遠道運糧日不得飽慶公慮其因饑渙散一面由浦城購米運濟並密令文察等勉以忠義暗襲明攻更番迭進使賊應接不暇氣奪心搖自可一鼓而克曾逃出難民言偽侍王李世賢嚴令固守並欲由龍泉窺伺閩疆復檄張銓慶加意防遏袁良由龍泉之南岱進攻以勦為堵添調守備徐榮生等馳赴策應又令林文察張銓慶號召

松陽遂昌民團合力助勦布置已定六月初五日林文察曾元福分軍出隊賊伏守柵門開放鎗礮我軍不能進逼是夜偵知賊眾五六百在上方焚掠文察派隊截擊傷斃甚多生禽六賊次日兩軍復往會攻一軍伏山後一軍故令散而不整或前或卻示弱以誘之賊果突出數百我軍迎勦賊即繞佔溪邊隔水抗拒壘中潛出數千賊來包我伏兵齊起大戰良久賊斃數百奔回初七至初十日文察等分隊迭戰均有斬獲生員吳呈玉等赴營密告處郡碧湖踞賊分黨數千潛運軍火器械接濟松陽文察即令把總林文光等帶軍千人馳往南

坑等處截之十一日賊行抵南坑維時民團四集我軍出不意奮擊賊即潰奔追殺十餘里斃賊緯天義楊英清等二百餘賊奪獲鎗礮三十餘具鉛藥三十餘石偽印八顆十二日壘賊出戰文察等設伏山前後殺賊二百餘十三夜逸散死士潛赴各壘拔取竹釘茨蓆賊眾驚譁我軍礮擊壘中旋即收隊賊喧擾逾時猶礮聲不絕十六日後每夜分軍攻襲多放火箭延燒賊壘禽賊言官軍襲壘一次輒傷斃數十賊十八夜復斃賊五小壘十九日文察親率林廷棟教諭陳經千總陳兆熊賴安邦把總鄭蔡生等督隊衝攻市以下各大壘令懸

丞八十四千總楊高生等帶勇策應千總林國安把總李成基等分軍伏於左把總蔡得標分軍伏於右曾元福親率把總梁清芳外委郭德高等督隊衝攻葉川頭大壘令同知潘恭贊等帶勇策應効川吳興隆分軍設伏俱用獨輪車三十輛前挂溼綿排推而進以蔽鎗礮舊市賊壘約出八九千賊連拒我軍力戰兩時斃賊數百賊敗走伏兵邀之又斃二百餘葉川頭之賊出壘拒戰曾元福揮軍齊上伏起夾擊斃賊六七百日暮收隊是夜文察復襲賊壘賊不能支分向宣平湯溪而竄文察令各軍直薄松陽袁良一軍與松遂民團從東南兩

路馳至賊驚惶無措自相踐踏兵團乘勢進勦於二十日黎明克復松陽縣城共斃賊千餘生禽二百十七奪獲驃馬五十七匹鎗礮四十一件大旗四百餘桿拔出難民三千餘人我軍亦陣亡十九人受傷六十七人厥公疏言松陽賊眾九萬分壘負嵎我以五千之師加之饑困勞逸眾寡勢本懸絕而林文察等督軍晝夜攻勦無戰不捷賊望風奔潰遂克松陽從此楚軍之後路無虞閩省之邊圍愈固計處郡宣平賊勢益蹙攻拔不難高樑材所帶兵團已薄石帆距處郡僅二十里白瑛亦已移軍迫逼臣現今林文察等各軍迅克兩城以仰副

聖主綏靖巖疆之至意高樑材既至石帆分紮水營偵知城外賊眾分踞碧湖大港頭等處黃察黃壯各村民團俱集六月初六日都司陳啟經外委屈連陞紳士章寶書等分帶兵團進攻大港頭賊壘外委黃應春紳士楊啟祥等率眾策應高樑材及候選巡檢沈熙治等率隊督戰賊出拒而敗追至大陽嶺復殺賊二十餘別股賊千餘由箬溪嶺來抄敗賊復回拒敵我軍擊斃賊目三賊分竄碧湖而去初七日我軍出隊誘戰賊堅伏不動礮擊壘中賊乃分路來撲嶺後民團馳至四面夾攻斃賊數十賊奔至河邊我軍追擊溺斃甚多乘勢並擊退碧湖踞賊十四日秦如虎派胡榮等帶隊馳抵石帆十五日高樑材胡榮於虎頭龍巖等山度地立營見處州城外屯賊數千即令水隊迎勦賊竄入城我軍焚賊館數處生禽一賊連日偵知賊情洵懼如虎又令馬雲標侯定寅分帶楚勇進屯石帆林文察於克復松陽後抽派臺勇二千與白瑛所部均由大港頭而進夾攻郡城松陽三都民團見逃賊狼狽赴林文察營請借號衣旂幟並給發軍火跟蹤追擊文察檄令宣平知縣郭光儀等傳集民團扼守賊由宣平下竄處郡之路仍給借衣旂火藥一面遣軍繼進賊甫入壘喘息未定民團即揚

旂馳赴賊遠驚潰斬獲甚眾即於二十二日收復宣平縣城處州賊勢愈孤慶公檄各軍進取並撥楊鳳元徐榮生兩軍歸廖壬彥調遣以固遂昌後路仍令林文察就近兼顧會賊復竄入處屬之縉雲境內台州紳士蘇鏡蓉調仙居民團馳往防勦文察得壹意進攻至處城東南連戰皆捷秦如虎亦率軍會勦身受礮傷督戰自若賊傷斃無算開門逃竄遂於七月十九日克復處州府城各軍追勦復斃多賊八月初六日慶公附奏以
 閩
 延命移慶公福州將軍而以廣東巡撫耆齡代為總督時平

賜會匪已定溫處悉平唯縉雲東鄉踞匪以蘆塘為巢穴時出擾害九月十二日縉雲知縣馮格及紳士胡兆脩等率領民團進勦賊眾出拒民團四面抄擊殺賊十餘賊敗奔回巢十四日總兵周萬遠令守備姜子豹把總胡榮各率所部馮格率同紳士楊學程等督民團會合攻勦途遇賊眾官軍民團兩路奮擊姜子豹復分隊繞出賊後賊腹背受敵即時潰遁十四日姜子豹等率隊誘戰賊伏巢不出偵知其將竄是夜三更姜子豹胡榮與馬格楊學程等約會共率兵團往襲賊方出壘欲走我軍噴筒火箭並發立將賊巢燒燬賊眾悉向東

陽一路逃去各營卽駐紮蘆塘以防回竄處境至是始肅清焉賊皆竄金華蒼公令防守松陽宣平之副將曾元福等防守遂昌之從九品鄧太愚等各扼要堵禦力杜竄越并令周萬遠督率所部嚴密布置以固縉雲處州邊隘至是而括蒼甌江間民得蘇息矣先後捷聞得

旨嘉獎林文察奏如虎張銓慶以下敘功賞賚有差所有疊次陣亡將士及前樂清失陷時殉難之教諭王遵並

予優卹賊之擾溫處也蔓滋燎延非有偽王名酋驍銳死黨爲窺伺閩疆之計旋因左公大軍從三衢進攻龍游湯

平浙紀略

卷八

三

溪而台州民團又方議其後勢不得不豕突鴟蹲以綴閩軍之力而牽衢防之師當全浙淪陷閩省大吏籌兵濟餉卽以援衢溫者保邊圍亦殫鳩心力矣諸將中林文察轉戰三郡在事最久秦如虎宿將資望亦重故能克成厥功後左公在嚴州營次奉

命接辦着齡閩浙兩省防勦事宜疏言者齡所部兵勇從前原有四大支統領粵軍者江西道員康國器統領閩軍者署提督秦如虎福甯鎮總兵林文察統領南康勇者參將化儒後以江西同知程培森代之現均撤退此外人數稍多者石字營一千餘人從九品鄧太愚管帶後

以江西知縣孔廣晉代之現亦撤遣惟章武軍千餘人尚留浦城乃耆齡舊部統計援浙各軍前其二萬數千陸續裁撤所存不過八千餘人而粵勇尚須汰遣統領亦僅存康國器一員並言浦城地勢在閩省固爲衝要而以近日局勢言之賊蹤擾及饒境是浮景爲門戶而廣信爲堂輿浦城又在江山玉山廣豐之後相距甚遙不必以重兵屯於閒散之地惟閩省轉輸入浙則舍舟而陸必問途於此暫以偏師駐之自無不可其臺灣一節爲閩省外郭舊猶鎖鑰臺郡爲鎮澎湖廈門爲鑰而鹿耳門鹿仔港則通鑰之竅也兩處無事則全臺恃以

平浙紀略

卷八

三

無恐而省郡之氣常通矣此因溫處廓清之後論浦城而并及閩省之形勝故附錄於此溫處屬縣多荒僻無城賊取之易守之亦難閩軍以全力注之而各路民團雲合響應敵愾同仇不分畛域暮月而奏廓清亦足以助浙軍一時兵力之所不及惟督府遙開各路軍情不盡由統軍大將彙報又或傳聞異詞鮮所折衷敘次不無闕略云

平浙紀略卷八終

平浙紀略卷九

同治元年六月十六日奉

命督辦軍務浙江巡撫左公疏言定海解圍後克復鎮海甯
波慈谿奉化郡縣等城均經前江蘇撫臣薛煥及署撫
臣李鴻章先後奏報台州民團克復全境經督臣慶端
奏報甯台各郡皆遠在海隅臣軍由開遂江常而至衢
州相距千餘里賊氛中隔得報稍遲據各路文報證以
所聞略悉梗概台郡地瘠民強上年賊首李世賢竄陷
後分遣賊黨散踞各縣為縱橫海上之計旋以官軍入
浙急思抗拒乃由台州還竄金華賊目李鴻釗李元祿

平浙紀略卷九

李尙揚等在台大肆淫掠士民不堪其毒於是倡義討
賊各相糾率出不意擊之旬日之間連復郡邑賊匪五
六萬賊目皆就禽斬臣獲棧天義羅賊致李世賢偽文
言台事甚詳其以仙居士民尤甚論台黃出力士紳以
在籍道員蘇鏡蓉為最仙居出力士紳以副貢生吳琮
為最而吳琮因其父被害殺賊報仇英烈之風尤足矜
式鄉里定海解圍後克復鎮海厥後會合外國兵船克
復甯波多資布與有布良帶等之力布與有在洋橫行
有年熟習海上形勢前任浙江臬司段光清撫而用之
以護商旅司巡緝加意羈縻始就約束此次陳世章張

平浙紀略卷九

景渠用之亦克有功甯波既克賊遁入紹興台州既
克敗賊萃於處郡溫郡之賊畏台州士民之議其後則
由處郡以回竄金華就現在局勢言之裏賊中央絕其
分竄似亦浙事一大轉機而臣愚竊不能無慮也台州
之克全藉民團甯波之克半資外國而官軍曾無一旅
與之周旋外國助勦但可偶用其長未可長恃其助即
台郡士民一時偕作同仇無良將吏為之主持終慮情
渙氣衰難以持久臣現檄代理台州知府崑齡於赴任
之後詳察各處情形及實在出力士民分別安撫獎勵
諭蘇鏡蓉吳琮等互相聯絡以收眾志成城之效令醫
甯紹台道史致謨先由安慶雇坐輪船駛赴上海由定
海鎮海以抵甯波並經理稅釐事務然甯其能養兵若
干隨時馳稟以便核酌一面札調前臬司段光清紳士
陳政諭令隨同經理以資得力俟臣所調兵勇到齊餉
項有出再當斟酌辦理如處州已復則分撥一軍由處
台陸路直達甯波可無中梗之患至英國公使稱調印
度之兵秋間大舉助勦或係懸擬之詞不必實有其事
聞英國兵餉最重亦頗以調撥之煩為苦非公使等所
能專擅印度兵船距中國五六萬里亦非一時所能驟
集又諸暨縣民包立生聚眾殺賊頗著戰功然傳聞異

詞未敢遽信其真可倚任後印度兵船果不至而包立生據包村阻水爲壘賊屢來攻皆破之殺傷甚衆鄰境被難士民孳家從之者數萬人每戰勝掠賊金帛至於山積以分犒力戰者人皆不暇取徒受之而已叠次殺賊及團練戰死物故者各十餘萬賊憤怒大合衆晝夜力攻卒陷其村殲其人鮮得脫者悉如左公言八月二十日又奏張景渠稟報克復餘姚縣城溫台處之賊盡聚金華一郡九月初九日又奏甯紹台道史致諤於八月二十五日到任據稟慈溪失而復克賊又陷奉化甯波戒嚴臣維甯波一郡遠在海嶽中隔賊氛雖藉外國

浙紀略 卷九

七

兵力暫保孤城主弱客強終非久長之計而彼中兵事穴雜每月糜餉至八萬餘兩入不敷出又值廣勇與外國兵頭構釁誠恐外侮內訌相乘而起臣原擬酌派新軍取道溫台防守甯波茲聞偽忠王李秀成及各大股賊黨分撲金陵大營兼及皖南意在竄入江西以緩浙軍之攻而抄襲浙軍之後臣隨時調撥兵力苦軍勢難分赴甯波護理浙江提督陳世章失守獲咎新授提臣鮑超統軍皖南未能赴任前經慶端奏委葉炳忠護理臣已咨商耆齡催令迅赴甯波以重職守繼思葉炳忠卽由台郡前往部曲無多恐難得力現在溫台處三郡

漸就肅清雖有零賊竄擾邊界並非喫重記名提督蔡如虎木係宿將所部在閩粵各軍中尚稱能戰近因攻處城受微傷回溫調治而所部現赴台州由台赴甯路甚捷近若蒙

恩旨令其署理浙江提督迅率所部由奉化而至甯波以視葉炳忠聲勢較壯甯郡必可無虞矣十月二十二日又奏臣奉

浙紀略 卷九

四

寄諭法國因甯波海口喫緊願將伊國副將勒伯勒東權受中國職任帶兵防勒現由總理各國事務衙門與之定議該國情願以勒伯勒東權受中國職任聽浙江巡撫及甯波道節制著將該副將在甯波所練中國兵丁一千五百名應給餉項卽行按照舊章支放並據恭親王等奏稱以該副將既歸浙省大員節制卽應給付劄憑以一事權著薛煥李鴻章左宗棠悉心籌議或山李鴻章或由左宗棠發給劄付既須事權歸一又須力能控制方免貽誤該副將既受中國職任之後自應遇事持平辦理一切按照中國法制不得稍存偏倚亦不得稍有寬縱史致諤甫到甯郡薛煥等務卽督飭該道於該副將所領之軍及甯郡兵勇賞功罰罪及稟報戰守各情務令秉公核實其支放錢糧尤不得有絲毫扣減等

官等獎致爲外國所輕視至籌防一節先經法國公使欲統歸勒伯勒東辦理復經總理衙門與之再三講論始願歸甯道督辦惟上年甯郡失事美國人歸咎中國官不肯照伊布置辦理以致誤事此次該副將有所籌商務飭該道與之和衷其濟不得意存齟齬致誤機宜一俟左宗棠等克復金華兵力足以兼顧甯波一帶卽日察看情形將勒伯勒東撤回法國仍用中國官軍防守毋庸俟浙省全行平靖方令撤回等因臣初以甯波距上海近距臣軍遠中隔賊氛暫難兼顧且李鴻章威名丕著中外咸知臣於甯波兵事旣令史致謬就近稟

平浙紀略 卷九

五

承則勒伯勒東劄憑亦應由李鴻章發給以資控制繼思法國請以勒伯勒東權受中國職任聽撫道節度原係就轄境而言異時更易撤留仍須由浙主持自宜先正其名已繕備勒伯勒東署理浙江總兵劄憑由安慶輪船遞史致謬轉發並咨薛煥李鴻章知照矣臣維人無中外其好惡同則其情理一忠信篤敬獄猶可行內治克脩遠人自服如賞功罰罪不秉大公諱敗獲勝不務核實以及冒餉侵尅皆主兵者所最忌有一於此部曲離心況施之荒遠內附之人乎史致謬人尚明白當不至於此臣亦隨時誠勵期免愆尤惟是沿海各郡自

五口旣開之後人心嗜利忘義習尚日非又自上海用兵以來至今未覩戰勝之利於是妄自菲薄爭附洋人其黠者且以通洋語悉洋情粹至富貴趨利如鶩舉國若狂自洋將敦練華兵桀驁者多每挾洋人之勢橫行鄉里官司莫敢詰治近聞甯波提標兵稍健壯者闖得厚餉且多棄伍籍而投洋將此常勝一軍所以增至四千五百人也若不稍加裁禁予以限制則客日強主日弱費中土至艱之餉而貽海疆積弱之憂人心風俗日就頹靡終恐非計臣擬熟察情形俟局勢稍有轉機再與曾國藩李鴻章熟商妥策是爲洋將受職任稟節度

平浙紀略 卷九

六

之始昔回紇助唐契丹救晉皆率其突騎馳驟中原雖紆一時之危或貽數世之禍泰西各國始因甯波馬頭人白爲戰有安危與共之心迨後遂能效順以彼兵法練我士卒並受疆吏節制

廟算之略旣出萬全而左公疏中數言復扼其要用能中外相安始終合力有昔人之利而無昔人之害雖曰時異勢殊非處置之善不及此十一月二十三日又奏中外各軍會克上虞後新昌嵊縣之賊皆竄諸暨二年二月初四日又奏我軍旣克浦江諸暨擊走東陽永康賊蔣益澧方令劉清亮率五營繼進規取紹興適接高連

陞稟報紹興府城已於正月二十六日經署提督葉炳忠等督甯波諸軍收復賊由臨浦義橋渡江而遁蓋至是甯台紹各郡俱次第恢復矣甯紹夙稱浙東饒沃繁富與嘉湖埒台亦負山阻海同隸一道自上年賊陷金華由紹台以及於甯郡縣并失惟定海一城孤懸海外得全先是甯紹台道張景渠與護提督陳世章等固守甯波賊從奉化攻陷郡城景渠受矛傷世章墜馬受傷均為礮船所救法國提督卜刺以船送定海是時賊氛徧海隅勢若燎原景渠既至定海謀恢復會游擊布興有及弟良帶先後以礮船至并收潰勇七百人景渠為

平浙紀略

卷九

七

流涕言浙事皆大哭令醫定海同知劉國觀籌餉為餉甬之時時激以忠義士心益奮同治元年二月二十四日賊船至舟山直犯定海國觀等登陣守景渠世章督布與有等迎擊斃賊甚眾賊少卻已而民團四集賊遂大潰追殲之海中生還者十無二三焉而台郡民團起於十一年在籍道員蘇鏡蓉邀集參將陶寶登都司銜黃連清知州徐瀨副貢生吳琮廩生王瀚等共二十五人各相激勸義旗雲合鏡蓉寶登皆豪俠士好祖庇邑中諸無賴以為爪牙及甯國設防寶登帶勇前往戰守數年頗習賊情亦漸知大義既歸里與鏡蓉相倚以為

重台州故多土匪應募為勇者亦往往不請紀律迨鏡蓉等有志殺賊此輩皆歸之曠俾之風化為剛健不煩官軍一士一卒而以次收復諸城竟得其力焉吳琮者仙居人因其父被賊所辱誓殺賊以報仇先遣人積石堵山路拒金華紹興之賊援更遣鄉人賫賂入城覘其虛實至賊之由新昌入天台也天台士民之黠者餉賊於要津每賊貽餅二賊喜甚而不知借餅以計其多寡也至是吳琮倡義天台首應之府城亦應之而鏡蓉寶登等先已克復黃巖太平兩城賊殆盡嗣因大股賊掩至復失寶登突圍得免退駐黃巖之三江口召集隊

平浙紀略

卷十

八

船扼賊南竄之路賊出偽示招之元年二月十四日寶登率敢死士四百詐投入城李世賢陽為優待分散其眾僅畱親兵十餘派賊日夜守視不得發十九日夜密約三江口礮船遙為援應城內火起寶登手刃數賊越城而出從之者僅數十人餘皆被害賊追至三江口礮船擊敗之斬十餘賊禽一賊賊疑懼退入台州城而天台自上年陷後賊見鄉團已集漸糾東陽新昌賊黨三萬餘來助十一月初四日民團會合迎勦應戰竟日斃賊七八千餘眾潰散復追殺千餘民團亦陣亡二十六人次日景天義秦賊等率大股賊眾復從東陽來